



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

41-93  
77



Переводное  
Е. В. Тарь-Амалова  
Рязань 1912 г.

30 MAY 2011

ԿՕՏ-ՄՈՒՌԼԻԿԱ

891.71-93

4-77

ԱԿ

9022

ՓՈՔՐԻԿ ՑՈԼԱԿՆ

ՈՒ

ԽԼԸՇԻԿ ՆԱՊԱՍՏԱԿԸ

ՉՐՈՅՑ

ՊԱՏՎԵՐԱԶԱԳ



ԼԵՒՈՆ ՄԵԼԻՔ-ԱԴԱՄԵԱՆՑ

ՄԱՆԿԱԿԱՆ ԳՐԱԳՐԱՐԱՆ

1002  
7092



ԹԻՖԼԻՉ, 1904

ԱՐԱԳԱՏԻՊ ՏՊ. ՄՆ. ՄԱՐՏԻՐՈՍՅԱՆՑԻ  
Պուշկինյան փողոց, № 12.

23 MAY 2013

3806

ՀԱՅԱՍՏԱՆԻ ԳՐԱԳՐԱԿԱՆ ԿԵՆՏՐՈՆ

ՀԱՅԱՍՏԱՆԻ ԳՐԱԳՐԱԿԱՆ ԿԵՆՏՐՈՆ

ԱՊ

ՀԱՅԱՍՏԱՆԻ ԳՐԱԳՐԱԿԱՆ ԿԵՆՏՐՈՆ

ՀԱՅԱՍՏԱՆԻ ԳՐԱԳՐԱԿԱՆ ԿԵՆՏՐՈՆ

ՀԱՅԱՍՏԱՆԻ ԳՐԱԳՐԱԿԱՆ ԿԵՆՏՐՈՆ

ՀԱՅԱՍՏԱՆԻ ԳՐԱԳՐԱԿԱՆ ԿԵՆՏՐՈՆ

Дозволено цензурою. Тифлисъ, 17-го Іюня 1904 г.



# ՓՈՔՐԻԿ ՑՈՒԱԿՆ

ՈՒ

## ԽԼԸՇԻԿ ՆԱՊԱՍՏԱԿԸ

Ա



Սիրելի ընթերցող, իսկի տեսած կամ, թէ ձմեռ ժամանակ Խլըշիկ նապաստակն ինչպէս է վազվզում դաշտում, ինչպէս է ցատկոտում, կամ ձնակոյտերի վրայից ճնց է նա ոստնում, միւս կողմն ընկնում:

25. չես տեսել: Ափսոս: Բայց թող դեռ ասեմ, թէ ինչ բան է ձմռան քամին:

Ձմռան քամին՝ շատ, անչափ շատ անգութն է. նա այնպէս է ազդում մարդու

վրայ, որ մինչի ոսկորներն է թափանցում,  
ձեռն ու ոտը ընդարմացնում: Այդ տնա-  
քանդը, այսինքն ձմռան քամին, էլ ոչ քիթ է  
խնայում, ոչ շրթունք, ոչ թուշ է հարցնում,  
ոչ ականջ, այլ այդ բոլոր բաց տեղերն այն-  
պէս է մրսացնում—կարմրացնում ու կապ-  
տացնում, մղկտացնում ու վաղդաղորիկ բե-  
րում, որ մարդու աչքերից արտասուք է թափ-  
վում: Հէնց միալար—շարունակ՝ վր՛զ-վր՛զ...  
փշում է ու փշում, շրւշրւացնում, կամ ու-  
նում, բուք-ու-բորան անում, ձիւնը բարձրա-  
ցնում՝ մարդու երեսովը տալիս և կամ հոսան  
անում՝ ճամբորդի աչք, ականջ ու բերանը ձևով  
լցնում, շատ անգամ էլ բոլորովին ձնաթաղ  
տալիս-խեղդում: Երբեմն-էլ՝ ահագին թան-  
ձրութեամբ նստած ձիւնը ժողովելով ճանա-  
պարհների վրայ, այնպիսի կոյտեր է կազ-  
մում, որ վրաներից ոչ ոտքով կարելի է անց-  
նել-գնալ և ոչ էլ ձիով տալ անց-կենալ:

էլ ի՛նչ, էլ ի՛նչ ասես, որ այդ կապելու  
գիժը չանի: էլ բան չի թողնում, ամեն բան  
տակնուվրայ է անում, իրար գլխով տա-  
լիս. իսկ ուզած ժամանակն էլ բոլորովին  
քարուքանդ անում, հիմնայատակ կործանում:

Բայց մէկէլ յանկարծ տազ է անում—

սուս կենում, կամ կամաց-կամաց լուսւմ—  
հանգստանում այնպէս, որպէս-թէ աշխարհ  
տակնուվրայ անողը ինքը չէր, այլ մի  
ուրիշը:

Եւ ուրախ ու գոհ իր արածների վրայ,  
ինքնաբաւական կերպով կարծես ժպտում է,  
ժպտում ու բոլորովին ձայնը կտրում—  
հանդարտվում:

Երբ խելառն այդպէս լուսւմ է լինում,  
կամ աւելի ճիշտը՝ խորքունը մտած—եղա-  
նակը խաղաղած, մանաւանդ եթէ ցերեկ է  
ու արևն էլ դիպած, Տէր Աստուած, ի՛նչպէս  
հրաշալի է դաշտն այդ միջոցին:

Մաքուր ու անապական ձիւնը արեգա-  
կի զուարթ ու պայծառ ճառագայթների  
տակ այնպէս է պսպղում, փայլում, շողո-  
ղում, փելքստին ու հուրհրատին տալիս, պէ-  
ծին-պէծին անում, որ նայողին այնպէս է  
թվում, թէ ողջ դաշտը միապաղաղ ար-  
ծաթով է ծածկուած, կամ անթիւ ու անհա-  
մար ադամանակներով զարդարուած:

Ահա այդպէս ժամանակ, երբ օրուայ  
փուշը կտրվում է, այսինքն եղանակը միքիչ  
մեղմանում տաքսնում է, Խլրչիկ նապաս-  
տակն ուրախացած դուրս է գալիս բնից կամ

Թաքստից և իր խաղն սկսում, այն է՝ դէտուդէն վազում, վազվզում, ցատկում, ցատկոտում:

Երբ եղանակն այդպէս հրաշալի ու լաւ է լինում, մեր Խլրչիկի քէֆին քէֆը չի հասնում. նրան այնպէս է թվում, թէ ողջ աշխարհն իրանն է:



Խլրչիկ նապաստակը:

Բայց նապաստակի խաղը միայն վազելն ու վազվզելը, ցատկելն ու ցատկոտելը չի. ո՛չ, նա զրանցով չի բաւականանում, այլև ուստնում ու ուտոտում է, կամ ծլունդ-ծլունդ

լինում, մին աջ, մին ձախ տրճիկ տալիս, ապա կանգ առնում, բայց հետինհետ—անմիջապէս վրայ-ու-վրայ քանմի թռիչքներ գործում, կրկին կանգ առնում ու խլրչում, խլրչոտում և մէկէլ յանկարծ՝ օձը կծածի նման վեր թռչում, խնդրուզի տալիս ու շափ ընկնում և բաւական տարածութիւն մի շնչում անցնում-գնում ու էլի գիրթ—մէկէնիմէկ կանգ առնում, շուրջն աչք ածում—ուշադրութեամբ դիտում...:

Խլրչիկը՝ զոհ ու բաւական ինքն իրանից, հազիւ մի րոպէ հանգստացած, հիմա էլ սիրտն ուզում է լոք տալ—ոստնուլ ձնակոյտերի վրայից:

Եւ նա եօլ է անում, այսինքն կանգնած տեղից ետ-ետ է գնում բաւական տեղ ու յանկարծ ուժգին թափով վրայ վազում՝ ահագին բարձրութեան վրայից թռչելու դիտաւորութեամբ, բայց մէկէլ՝ թլր՝ մփ... ընկնում է ու ամբողջովին թաղվում ձնակոյտի մէջ:

Սակայն մեր ժիր Խլրչիկի համար այդ ոչինչ բան է և շատ սովորական պատահարներից: Բացի զրանից նա բաւական հասկացող էլ է. շատերի նման իր յոյսը ուրիշների վրայ չի դնում. ո՛չ, նա այդ վատ,

այդ տնաքանդ սովորութիւնը չունի: Հէնց-որ  
իրան մի դժբաղդութիւն է պատահում, էլ  
երկար-բարակ չի մտածում, այլ իսկոյն, ա-  
ռանց զուր ժամանակ կորցնելու, աշխատում  
է որ իր գլխի ճարը ինքը տեսնի, որպէսզի  
րոպէ առաջ վտանգից ազատուի:

Ահա հէնց հիմա էլ այդպէս արաւ:

Երբ անսպասելի կերպով թլրմփաց ձնա-  
կոյտի մէջ ու թաղուեց, նա ոչ յուսահատ-  
ուեց, ոչ լաց եղաւ, ոչ օգնութիւն կանչեց  
և ոչ էլ յիմարի պէս անգործ սպասեց, որ  
մէկը գայ իրան ազատի: Ո՛չ, Խլրչիկը խե-  
լօք էր, այդպէս չարաւ. այլ անմիջապէս ճի-  
զըն թափեց—աշխատեց, ձնակոյտից դուրս  
եկաւ և դուրս գալուն պէս իսկոյն դունչ-ու-  
մունչը—բերանը, քթածակերը ձնից մաքրեց՝  
որ ազատ չունչ քաշի, լօշտակ-լօշտակ ա-  
կանջները թափ տուաւ, մէջները մտած ձիւ-  
նը վէր ածեց, ապա ինքնիրան թափահա-  
րեց, ձնից բոլորովին մաքրուեց. վերջն  
էլ երբ բեղերը մի լաւ սղալելուց յետոյ խլրչ-  
կոտաց—չուրջը նայեց, նրան այնպէս թուաց,  
թէ ոչինչ չի պատահել իրան:

Ո՛րքան լաւ է, երբ մարդ ինքն է իր գլխի  
ճարը տեսնում ճիշտ ժամանակին:

Եւ մեր Խլրչիկը նորից սկսում է իր  
խաղը. էլի սկսում է վազել ու վազվզել, լոք  
տալ—ցատկել ձնակոյտերի վրայից: Իսկ  
եթէ այդ իրան չի յաջողվում և վայր է ընկ-  
նում, իսկոյն հօպ է անում, ցուպ-ցուպ տեղից  
վեր թռչում-կանգնում ու խլրչկոտում և երբ  
տեսնում է, թէ վտանգ չկայ՝ իրան ոչինչ չի  
սպառնում, ուրախացած ժլունգ-ժլունգ է լի-  
նում, էլի տրտինգ-տրտինգ անում, էլի  
խնդրուզիներ ու տրճիկներ տալիս և մէկէլ  
յանկարծ դունչը վեր բռնում և պինչը քամի  
մտած հորթուկի պէս զզգրկոթած չափ ընկ-  
նում—ինչպէս նետ սլանում-գնում առանց ետ  
նայելու. էլ չհարցնելով ոչ փոս, ոչ փէտ, ոչ քար,  
ոչ էլ ձնակոյտ-ու-մնակոյտ, այլ ինչ առաջն է  
գալիս, իսկոյն ուստնում է—վրայից թռչում,  
տալիս-անցնում ու իր վագրը շարունակում:

Մի օր էլ՝ երբ Խլրչիկն այդպէս գժի  
նման վազելիս է լինում, շատ մօտիկից, մի  
մեծ ծառի ետևից յանկարծ սուլոց է լսվում.

« Հիւ-հիւ, հիւ-հիւ, հիւ-հիւ... »:

Այդ յանկարծակի ձայնից սարսափահար-  
վում է Խլրչիկը և իսկոյն գիրթ—մէկէնիմէկ  
կանգ առնում, ականջները խլրչում և ուշա-  
պրութեամբ ականջ դնում:



«Հիւ-հիւ, հ'ըհըհիւ, հիւ-հիւտ, հիւ-հիւտ...»,  
նորից լսվում է սոււոցը բոլորովին մօտիկից:



Յուակը սոււում է:

«Վայ-վայ-վայ-վայ-վայ... Ձիւնը գլխիս-  
երևի որսորդ է ու շներն էլ հետը», մտա-  
ծում է Խլրչիկ նապաստակն ու իսկոյն ա-  
կանջները յետ տանում, կպցնում վզին և  
գլխապատառ ծլկում— փախչում, որքան ո-  
տերում ոյժ է ունենում. բայց ոչ թէ իսկա-  
պէս փախչում, այլ իսկ-և-իսկ նետի պէս  
սլանում— թռչում:

Խլրչիկը՝ այդպէս նետի արագութեամբ  
ղզղզկոթած բաւական տեղ գնալուց յետոյ  
յանկարծ մի բան մտաբերելով, գիրթ կանդ  
է առնում ու ինքնիրան ասում.

«Ես էլ ինչ անխելքն եմ. դեռ մէկ տես-  
նեմ՝ ո՛վ է և յետոյ փախուստի մասին մտա-  
ծեմ: Կարելի է իսկի վտանգ չկայ, ուրեմն  
էլ ո՛ւր եմ գլուխը կորցրած մարդու պէս  
փախչում այսպէս»:

Եւ Խլրչիկն անմիջապէս կկրզում է—յե-  
տին ոտերի վրայ նստում, մշտաշարժ ղնչի-  
կը մեկնում— դէպի առաջ ձգում, մի-երկու  
շահու, այսինքն՝ ամբողջ հասակովը-մէկ ոտի  
թաթերի վրայ բարձրանում, դէսուղէն աչք  
ածում, նորից-ու-նորից խլրչում, խլրչկոտում  
և ուրախացած ինքնիրան յանդիմանում.

«Է՛, ես էլ... կատարեալ յիմարն եմ ե-  
ղել...: Այդ հօ մօտիկ գիւղացի փոքրիկ Յուա-  
կըն է, իմ լաւ բարեկամը: Երբ անցեալ տա-  
րի անալիտան շները բռնեցին խեղճ հայրի-  
կիս ու պատառ-պատառ արին, այդ բանից  
այնպէս փախեցայ, որ մի շարաթ հիւանդի  
պէս էի. անհիցս էլ չէի կարողանում մի տեղ  
գնալ, կամ պարտէզ, բանջարանոց մտնել՝  
մի բան ուտելու: Սաստիկ քաղցից հնզըլ-

հնգրըն էի ընկել—ուժասպառ եղել. մեծ դժուարութեամբ էի ոտերս շարժում: Երբ Յուլակն ինձ տեսաւ այդպիսի դրութեան մէջ, խղճաց վրաս. իսկոյն մօտ եկաւ, փայփայեց, մէջքս սղալեց—չոյեց ու գրկեց-տարաւ իրանց բանջարանոց, ուր ինձ գաղարի տերև ու կանանչ սիսեռ ուտացրեց: Ապրի դրա արևը. եթէ դա չլինէր, հաստատ է որ խեղճ հայրիկիս նման ես էլ շների ճանգը կ'ընկնէի: Ուրեմն քանի-որ սուլողը իմ լաւ բարեկամն է, էլ ինչո՞ւ եմ այսպէս զլխապատառ փախչում: Յուլակը բարի է, ինձ վնաս չի տալ. որովհետև միայն շար, վատ ու անպիտաններն են ուրիշներին վնաս տալիս, մարդկանց հանգիստը վրդովում: Իսկ ես փորձով գիտեմ որ Յուլակը լաւ տղայ է. նա մինչև անգամ կ'ուրախանայ էլ, եթէ նորից ինձ տեսնի»:

Խլըշիկն այդպէս ինքնիրան սիրտ տալով, ետ է դառնում և կուրպատ-կուրպատ—չրջանաձև ու կուզրկուզ — գաղտնագողի առաջ է գնում, Յուլակից միքիչ հեռու կկրդում, ականջները խլըշըցնում և ուղիղ նրա աչքերին մտիկ տալիս: Խլըշիկը մին ետ էր ծալում ականջները՝ փախչելու մտքով,

մին խլըշում—դէպի առաջ երկարացնում՝ որ լաւ լսի, և հետն էլ մտածում.

«Հը՞, արդեօք ո՞նց անեմ. մնամ թէ ծլկեմ»:

Այդպէս մտածում էր Խլըշիկն ու անհից գնդըրգնդըր դողում:

—Այդ դ՞ու ես, Խլըշիկ. բարով ես ու դու:

Յուլակի այդ ձայնից նապաստակը մի գազ ծլունգ է լինում—վեր թռչում. միայն իսկոյն սրտապնդելով թէև նստում է տեղը, բայց շարունակում է դողդողալ:

—Չես ամանչում որ այդպէս դողում ես: Ի՞նչ կայ վախենալու. ես հօ քեզ չեմ ուտելու:

«Այո՞, գիտեմ,—մտքումն ասում է նապաստակը.—գիտեմ որ ինձ չես ուտիլ... բայց դէ... ի՞նչ անեմ... ո՞նց անեմ որ չվախենամ... Ախր մի տեսակ անալի է, է...»:

—Տօ՞, վախկոտ, ի՞նչ կայ, է, որ այդպէս անուղողի մէջ ես ընկել: Ամօթ է, անօթ. սիրտդ պի՞նդ պահիր: Մարդ պէտք է քաջ լինի և երբէք ո՛չ մի ժամանակ այդպէս չվախենայ: Լսո՞ւմ ես՝ մարդ ոչ մի ժամանակ ու ոչ-որից չպէտք է այդպէս վախենայ:

—Հա՛, հեշտ է ասելը՝ չվախենալ ո՛չ մի ժամանակ ու ո՛չ-որից: Սակայն ի՛նչպէս կարելի է չվախենալ, քանի-որ դու երկու ոտն ունես, իսկ ես չորսը:

—Լա՛ւ, ի՛նչ անենք:

—Դէ՛, մենակ այդ չի, է՛:

—Հապա էլ ուրիշ ի՛նչ:

—Այն՝ որ քո ականջները իսկի չեն էլ երևում, այնքան փոքր են, մինչդեռ իմոնքը՝ տես, ինչպէս մեծ-մեծ են ու երկար-երկա՛ր: Մէկ մտիկ տուր, է՛,—ասում է նապաստակը և թափահարում լօշտակ-լօշտակ ականջները:

—Դրանով ի՛նչ ես ուզում ասել:

—Այն՝ որ հեշտութեամբ կը-բռնեն ականջներիցս ու ինձ կ'ուտեն:

—Ա՛խ, ի՛նչ խելառն է եղել սա: Տօ՛, խելքի աղքատ, քեզ ո՞վ կ'ուտի:

—Ո՞վ:

—Այն՝

—Ամենից առաջ կծոտողները— ձեր գիւղի շները:

—Լա՛ւ, յետո՞յ:

—Յետոյ գայլերը:

—Իսկ յետո՞յ:

—Իսկ յետոյ... խնամի աղուէսը:

—էլ ուրիշ ո՞վքեր:

—էլ ուրիշ... բրդոտ լուսանը, կզաքիսը, որ շատ է սիրում մեր միսը, կնգումը, ժանտաքիսը... վերջապէս ո՞ր մէկի անունը տամ, քանի-որ ողջ անտառը լիքն է մեր արիւնարբու թշնամիներով: Դեռ մի կողմը մնայ արջը, որից Աստուած փրկի ու ազատի մեզ ամենքիս: Դէ՛, այդքան շատ ու անպիտան թշնամիք ունենալուց յետոյ կարելի՞ է չվախենալ:

—Ի-հարկէ կարելի է, եթէ մարդ քաջ լինի և ո՛չ թէ թշնամու շատութիւնից դողայ վախկոտի նման: Վտանգի ժամանակ փոխանակ քաջաբար կուռելով ձեզ պաշտպանելու, դուք իսկոյն կամ փախուստի մասին էք մտածում, կամ գլուխնիդ ծռում, ձեռքներդ ծալած մնում ու այդպիսով թշնամու բերանն ընկնում և թոյլ տալիս որ նա ձեզ ուտի կամ վնասի:

—Լա՛ւ, ինչո՞վ պաշտպանուենք: 2է՞-որ պաշտպանուելու համար շատ բան է հարկաւոր, իսկ մենք ոչինչ չունենք:

—Չարաչար սխալվում ես, պարոն Խլըշիկ:

—Մի՛թէ ուղիղ չեմ ասում:

—Ի-հարկէ ոչ: Մէկ ինձ ասո՛ւ տեսնեմ.  
ատամներ ունե՛ս:

—Վայ, ինչ է ասում. ի-հարկէ-որ ունեմ.  
Ի՞նչպէս կարելի է ատամներ չունենալ:  
Ահա,—և Խլրչիկը բարձրացնում է իր ճեղ-  
քուած շուրթն ու ցոյց տալիս դուրի նման  
սուր-սուր ատամները:

—Չատ լաւ. իսկ եղունգներ:

—Այդ էլ ունեմ:

—Հապա էլ ինչո՞ւ ես խելքիդ զօռ տա-  
լիս և ասում, թէ ո՛չ մի միջոց չունէք ձեզ  
պաշտպանելու: Մի՞թէ քիչ բան է այդպէս  
ատամներ ու այդ տեսակ եղունգներ ունենա-  
լը: Ինչո՞ւ հարկաւոր դէպքում դրանցով չէք  
դիմադրում ձեր թշնամուն:

—Լաւ, սրանցով ի՞նչպէս կարելի է դի-  
մադրել:

—Չատ բնական կերպով. ձեր թշնամին  
կծում, ձեզ ցաւ է պատճառում, դուք էլ  
նոյնն արէք. ատամներով կծոտեցէք, ե-  
ղունգներով շանգոեցէք նրա երեսը, հանե-  
ցէք աչքերը, պրծա՛ւ-գնաց: Բայց այդպէս  
պէտք է անել քաջի պէս, այսինքն անպատ-  
ճառ յաղթելու յուսով և ո՛չ-թէ յուսահատ—  
անսիրտ կերպով:

Փոքրիկ Յոլակի այդ ասածները շատ դիւր  
են գալիս Խլրչիկի սրտին. նա ժպտում է  
ու կնդով անում—զլխի շարժումով հաւա-  
նութիւն ցոյց տալիս և ապա ասում.

—Ախ, յարգելի բարեկամ, շատ, անչափ  
շատ լաւ են ասածներդ. հիանալի կը-լի-  
նէր, եթէ այդպէս անէինք, սակայն...

—էլ ի՞նչ սակայն, տօ վախկոտ:

—Բայց ախր մենք...

—Սպասիր, քեզ մի բան ասեմ,—ընդ-  
հատում է նրան Յոլակը:

—Ասա, տեսնեմ:

—Ի-հարկէ-որ պաշտպանուելու համար մե-  
նակ այս կամ այն միջոց ունենալը դեռ բաւա-  
կան չէ, այլ անհրաժեշտ է հետն էլ խելք  
ու քաջութիւն ունենալ, միմեանց թե-ու-թի-  
կունք լինել—իրար օգնել զիտենալ...: Խելքի  
կողմից՝ էլի ոչինչ, բաւական խելօք էք, սա-  
կայն քաջութեան կողմից դուք շատ էք կա-  
ղում: Ճիշտ եմ ասում թէ ոչ:

—Ախ, ի՞նչ ասեմ, ախպէր, սուտ չեմ  
կարող խօսել. ճշմարիտ ես ասում: Փոքրու-  
թիւնից այսպէս ենք մեծանում. մեզ չեն  
սովորեցնում, թէ ի՞նչ պէտք է անել՝ ա-  
պահով կեանք ունենալու համար: Ախ, ի՞նչ-



քան լաւ կը-լինէր, եթէ այդ ասածներդ հէնց փոքրութիւնից սովորեցնէին մեզ... բայց հիմա արդէն ուշ է:

—Ո՛չ, էլի ես սխալում այդպէս մտածելով: Լաւ-լաւ ու օգտակար բաները ամեն հասակում ևս կարելի է և պէտք է սովորել: Կուզե՞ս, քեզ սովորեցնեմ քաջ լինել:

«Թէկուզ սովորեցնես, թէկուզ ո՛չ,—մըտքումն ասում է Խլրշիկը.— մենակ ինձանով ի՛նչ կը-դառնայ. պէտք է ամենքս էլ քաջ լինենք, իրար օգնել զիտենանք հարկաւոր դէպքում, որ լաւ լինի»:

—Ինչո՞ւ չես պատասխանում...: Չես ուզո՞ւմ:

—Ինչո՞ւ չէ. լաւ բանը ո՞վ չի ուզիր:

—Դէ, եկ մօտեցիր ինձ:

Նապաստակը մի-երկու քայլ է անում ու տարակուսած կանգ առնում և մտածում.

«Հնա, լաւ ես հրամայում. ասում ես մօտեցիր, բայց մէկէլ յանկարծ հինգ-ախպօր զօրութիւնը ցոյց կը-տաս՝ մի լաւ թաթալօշ—ապտակ կը-հասցնես երեսիս»:

—Մի վախենար, մօտեցիր. ես քեզ մատով էլ չեմ զիպչիլ:

Խլրշիկը բոլորովին մօտենում է Յուլակին:

—Ահնայ այս էլ եկայ,— ասում է ու շարունակ խլրշկոտում, զոզոզոզում, ամբողջ մարմնով ցնցվում. մէկ խօսքով՝ ինչպէս ասում են, փախչելու համար երկու շահին ձեռին է լինում:

—Լօիր,— ասում է Յուլակը.— ես ծափ կը-տամ, իսկ դու պէտք է հանդարտ մնաս և տեղիցդ չշարժուես: Լսո՞ւմ ես:

Նապաստակը կնդով է անում, այսինքն թէ լսում եմ:

Յուլակը ձեռքերը հեռացրեց իրարից ու յանկարծ որ մի լաւ ծափ շտուճւ... Վըյի՛յ, նանի-ջան, ի՛նչ պատահեց Խլրշիկի՛ն: Ծափի ձայնից նա այնպէս վախեցաւ, որ եօթը դազ ծլունգ ելաւ—վեր թռաւ ու յետ վայր ընկաւ, ապա տեղից ցատկելով գնաց հեռու կանգնեց ու աչքերը չուած—լայն բաց արած՝ մնաց Յուլակի երեսին նայելիս:

Իսկ Յուլակը կողքը բռնած ծիծաղում էր:

—Որ ասում եմ՝ վախկոտ ես. սո՛ւտ հօ չեմ ասում: Դէ, էլ ի՛նչպէս չասեմ որ վախկոտ ես:

Յուլակի խօսքերը Խլրշիկի սրտին շատ զիպան և նա կամենալով քաջ երևալ, իսկոյն եկաւ, Յուլակի մօտ կանգնեց ու սկսեց ետի

ոտերով քացի-քացի անելով ձիւնը շագ տալ —  
ցրուել դէսուդէն:

— Այի՛ր ... վախկոտ, վախկոտ...

— Հա՛, լա՛ւ. էլ ինչո՞ւ ես մարդու վիրա-  
վորում. ես որ այսպէս...

Բայց Յուլակը շտպօտեց որ Խլրշիկը խօս-  
քը վերջացնի, այլ յանկարծ կրկին որ ծափ  
չտուան... պա՛յ-պա՛յ, պա՛յ-պա՛յ-պա՛յ-պա՛յ...  
ձեզ մատանդ, հէնց գիտենաս մի գօրեղ քա-  
մի Խլրշիկին գետնից պոկեց ու վեր թըռ-  
ցրեց: Նա էլի եօթը գազ ծլունդ ելաւ ու  
յետ վայր ընկաւ, ապա վեր ցատկելով միքա-  
նի անգամ ինքն իր շուրջը պտրտեց-պտր-  
տեց ու էլի վայր ընկաւ. բայց հետինհետ  
վեր թռաւ-կանգնեց, մի-երկու անգամ փռը-  
տաց, ինքնիրան թափահարեց ու սկսեց  
այսպէս խօսել մտքի մէջ.

«Ա՛խ, ա՛խ, ա՛խ... գետը տանի իմ տի-  
րոջը. ա՛յսպէս էլ վախենալ կը-լինի՛ր...: Սիրտս  
այնպէս է գնում-գալիս, տրըփտրըփում—  
բարբախում, որ կարծես ուզում է տեղից  
դուրս թռչի...»:

— Դէ՛, բան չկայ, — ասում է Յուլակը. — այդ  
առաջին երկու անգամինը ոչինչ, հաշիւ չէ.  
ւրի երրորդ անգամ փորձենք: Բայց տես,

զգո՛յշ. եթէ այս անգամ էլ չդիմանաս — չկա-  
րողանաս սիրտդ ամուր պահել ու տեղդ  
կանգնած մնալ, այնուհետեւ քո անունը ո՛չ-թէ  
Խլրշիկ-նապաստակ կը-լինի, այլ յաւիտեանս  
յաւիտենից դու կը-կոչուես վախկոտ-նապաս-  
տակ: Հասկացա՞ր:

Նապաստակը կնդով է անում և ինչքան  
կարողանում է սրտապնդում է իրան, մօ-  
տենում Յուլակին ու ասում.

— Դէ՛, ծափ տուր, տեսնենք, — ասում է  
ու գետնին կպչում որ էլի վեր չթռչի:

— Ո՛չ, այդպէս չի կարելի: Վեր կաց  
կանգնիր յետին ոտերիդ վրայ... դունչդ բար-  
ձրացրու: Ուղիղ, ուղիղ... բոլորովին ուղիղ,  
ինչպէս կարգն է...: Ահա՛ այդպէս:

— Դէ՛, պրծիր, ծափ տուր, — ասում է  
Խլրշիկը:

Յուլակը ծափ է տալիս:

Խլրշիկը թէպէտ էլի է ծլունդ լինում,  
բայց-և-այնպէս այս անգամ շուտ ինքնիրան  
հաւաքելով, կանգնում է հանգիստ և ինքնա-  
բաւականութեամբ հարցնում.

— Ո՞նց էր. լաւ էր, չէ՞:

— Այո՛, բայց ո՛չ այնքան, ինչպէս պէտքն  
էր, — պատասխանում է Յուլակն ու անսպա-

սելի կերպով նորից մի փառաւոր ծափ տա-  
լիս ուղիղ նապաստակի ականջի տակին:

Վայ... ձեզ մատաղ... այդ ի՞նչ էր...

Այդ յանկարծակի ծափի ձայնից նա-  
պաստակը սասանուեց և այնպէս սաստիկ վեր  
թռաւ ու մէջքի վրայ վայր ընկաւ, որ զխո-  
նր վեր ելաւ: Իսկ Յուակն էլի սկսեց փառ-  
փառ ծիծաղել:

—Ո՛չ,—ասում է Խլրչիկը, տեղից վեր  
ցատկելով.— ո՛չ, մի ծիծաղիր: Այս մինը շատ  
յանկարծակի էր. բոլորովին միամիտ էի...:  
Այ, տեսնում ես. էլ չեմ գողում:

—Այո, ուղիղ է,—ասում է Յուակը.—  
դու հիմա բաւական քաջ ես: Դէ, հիմա  
թո՛ղ քեզ վրայ նստեմ:

—Ի՞նչ ես ասում, ի՞նչ ես ասում,—վախե-  
ցած բացականչում է Խլրչիկը:—Ի՞նչպէս կա-  
րելի է վրաս նստել. չէ՞-որ մէջքս կը-կո-  
տրուի:

—Զի կոտրուիլ, միայն-թէ դու քաջ մնաս  
և ինչ-որ անելու լինենք, չվախենաս: Ուրեմն  
արի փորձենք:

Խլրչիկը յանկարծ սրտապնդում է:

—Չատ լաւ, փորձենք,—ասում է ու  
աչքերը փակում, գետնին կաշում:

Յուակը հեծնում է, բայց Խլրչիկը մնում  
է գետնին կալած:

—Վայ, վեր տեղիցդ, վազիր, է՛:

Խլրչիկը վեր է կենում ու չափ ընկնում:

Վազում է, վազում, վազում ու մէկէլ՝ չկա-  
րողանալով իրան պահել, ծուլում է և եր-  
կուսով միասին՝ թլր՛մփ... ընկում են մի  
մեծ ձնակոյտի մէջ:

Երբ ձնակոյտի միջից դուրս գալով՝ վրան-  
գլուխնին մաքրում-պրծնում են, Խլրչիկը  
ինքնարաւական կերպով դիմում է Յուակին.

—Հը՛... լաւ էր, այնպէս չէ՞:

—Չա՛տ լաւ էր. անպրես, կեցցես: Դու  
հիմա բաւական քաջ ես:

—Հիմա ես քաջ եմ, քա՛ջ,—ուրախ-ու-  
րախ բացականչում է Խլրչիկը և սկսում այն-  
պէս եռանդով քացիներ պցել, ծլունգ-  
ծլունգ լինել, տրճիկներ տալ ու տրտինգ-  
տրտինգ անել, որ քիչ էր մնում նորից  
զլորուէր:

—Ուղիղ է, հիմա վախկոտ չես,—ասում  
է Յուակը,—սակայն իսկական քաջ լինելուց  
էլ դեռ շատ հեռու ես: Բայց եթէ ուզում  
ես այդպէս քաջ լինել, պէտք է թողնես որ  
էլի հեծնեմ քեզ:

—Լաւ, համաձայն եմ,—ասում է Խլրշիկը.—սակայն ո՛ւր պէտք է տանեմ քեզ:

—Գու պէտք է անվախ քաջի պէս ան ու երկիւղը սրտիցդ հանած՝ ինձ տանես և չափ ընկած գիւղի միջով անցկացնես:

—Ըհր՛, ըհր՛... մէկ տեսէք թէ ի՞նչ է մտածել...: Գու էլ՝ իբր-թէ բան ասացիր: Ես ի՞նչպէս կարող եմ գիւղի միջով անցկենալ, քանի-որ գիւղը լիքն է շներով:

—Ի՞նչ անենք:

—Ի՞նչպէս թէ՛ ի՞նչ անենք. չէ՞-որ մեծ պատառոս ականջս կը-թողնեն—ինձ բզիկ-բզիկ կ'անեն:

—2է-չէ մի՛ պնդեր...: Ձներն ի՞նչպէս կարող են քեզ մօտենալ, քանի-որ ես հետդ եմ լինելու: Եւ վերջապէս ինչո՞ւ ես մեռնելուց այդպէս վախենում. մի անգամ ծնուել ես, մի անգամ էլ պէտք է մեռնես, էլի՛: Մի՛թէ վախենալով կարող ես ազատ մնալ մեռնելուց:

—Ո՛չ, ի-հարկէ. ես էլ գիտեմ, որ ոչով երկու անգամ չի մեռնում. բայց-դէ՛...

—էլ ի՞նչ «բայց-դէ» . եթէ այդքանը խելքդ կտրում է, ուրեմն այն էլ պէտք է հասկանաս, թէ ի՞նչ-որ անպատճառ լինելու է, կը-

լինի, ուրեմն վախենալը զուր է և աւելորդ. մահաւանդ-որ անխելքներն են միշտ ամեն բանից վախենում: Իսկ դու, փառք Աստուծոյ, անխելք չես:

—Լաւ,—ասում է Խլրշիկը,—այսուհետև էլ չեմ վախենալ:

—Եւ լաւ կ'անես. իսկ եթէ ուզում ես ազատ ու ապահով մնաս, պէտք է նաև քաջ լինես միշտ և հանապազ:

—Չնոտ լաւ:

—Գէ՛, ուրեմն ինձ տար և գիւղի միջով անցկացրու: Միայն՝ ինչպէս ասացի, քաջ տղամարդու նման սրտալի, առանց ան ու երկիւղի:

Խլրշիկը մօտ է գնում, մէջքը դէմ անում որ Յուլակը նստի ու ինքնիրան մտածում.

«Ի՞նչ լինելու է, թող լինի. կամ կը-մեռնեմ, կամ ողջ կը-մնամ: Եթէ ողջ մնամ, լաւ. իսկ եթէ ոչ, գոնէ ինձանից յետոյ քաջի անուն կը-թողնեմ և ուրիշներին համար բարի օրինակ կը-հանդիսանամ»:

Խլրշիկը սկզբում դանդաղ է առաջ գրնում, բայց հետոհետէ վազքը սաստկացնելով ամենայն արագութեամբ առաջ է ընթանում: Հեռո՞ւ... ճանապարհ...



Կարճ միջոցում հէնց-որ նրանք տեղ հասան, գիւղում ինչ-որ կծուտող—գամփումամփու, ճուճկի-մուճկի, զաղար-մաղար, քերծէ ու մերծէ և թէ որսի բարակ՝ մեծ ու փոքր շներ կային, բոլորն էլ դուրս թափուեցին քունջուպուճախներից ու՝

«Եւֆ... Հաւ-հաւ-հաւ... Հաֆ-հաֆ... Աֆ-աֆ... Եւֆ-եւֆ... Եւֆը-եւֆը... Հրաֆ-հրաֆ»... հաջոց-մաջոցներով նրանց ետևից ընկան:



Յուրակն ու Խլըշիկը անցնում են գիւղի միջով:  
Խեղճ Խլըշիկը ահից աչքերը կիսախուփ այնպէս էր ծլկում—չափ ընկած փախչում, ինչպէս-որ նեան է սլանում կամ ծիտը թուշում օդում:

Յուրակը գուշակած լինելով շների յարձակումը, առաջուց իր պատրաստութիւնը տեսել էր. նա երկու գրպանն էլ լցրել էր քարերով: Ուստի էլ միջոց չի տալիս շներին որ իրանց մօտենան. այլ տրաք՝ մէկի դնչին է քարով տալիս, միւսի ճակատի՝ էէ... մէջտեղին ծեփում, երրորդի՝ էէ... ականջակոթին հասցնում և կամ որի կողքին, որի կոկոզին աչկում—նշան դնում ու վրայ բերում...

Այդ անսպասելի յաջողակ հարուածներից շները՝

«Հրաւ... Իաւ... Վր-վաւ... Վրվաւ-վրվաւ... Ըաւ... Ա-աւ»... կալանչ-կալանչ գալով ու ծմբալով՝ էլ շեն համարձակվում առաջ գնալ, այլ մնում են տեղները կանգնած, լուսնահաջ տալիս, այսինքն հէնց այնպէս՝ սկսում են աննպատակ հաջալ նրանց ետևից:

Բայց նապաստակը ոչինչ չհասկանալով անցած-դարձածից, այդ կատարուածից, ջանքոր ընկածի պէս այնպէս էր կծիկը դրել—գլխապատառ փախչում, որ կարծես գետնի վրայ շէր վազում, այլ օգումն էր թուշում:

—Աղջի, աղջի,—գարմացած ձայն են

տալիս գիւղի կանայք.—*ճղջի, դէնը մտիկ տուէք. մէկ տեսէք այն ո՞վ է...*

—Աճի Թաքուչ-նանի, տնաչէնի, կնիկ, մէկ դէնը մտիկ տուր, է. թուղ նապաստակին ձի է շինել, վրէն նստել ու շափ գցած գնում:

—Վլլիյ, դժրդ որ...: Վայ, քո տունը շինուի, Յոլակ...: Այս ինչ հրաչք է... ո՞վ էր տեսել այսպէս բան...: Փառք Քեզ, Աստուած, այս էլ տեսանք:

Իսկ մեր քաջ բարեկամները իրանց ճանապարհը շարունակելով՝ կրկին գնում են դաշտ:

Տեղ հասնելուն պէս հէնց-որ Յուլակն իջնում է, Խլրչիկն իսկոյն երկար-ու-մէկ ձգվում է ձնի վրայ: Խեղճը հազիւ էր շունչ քաշում: Բեռը մի կողմից, կծոտողների ահը միւս կողմից բոլորովին հալից գցել էին նրան:

—Հը', ի՞նչ է մեր տղայ. չլինի՞ թէ կամենում ես որ գնամ բժիշկ կանչեմ քեզ համար. թէ՞ ուզում ես հիւանդանոց մտնել: Լաւ կտրիճ ես, էլ ասել չի ուզիլ: Ի՞նչ էր արածդ. մի անգամ գիւղի միջովն անցնելը ի՞նչ մեծ բան էր որ եկել-ձգել ես ոտներդ: Ի՞նչ քնքուչն ես եղել... Միքիչ ձիւն քսիր

ճակատիդ, պրծաւ-գնաց: Այդպէս քնքշութիւնը վայել չէ տղամարդուն, *ամօթ է:*

Սակայն Խլրչիկը մնաց նոյն դրութեան մէջ:

—Գէ, շուտ, վեր կաց, է. լաւ բան պէտք է ասեմ քեզ:

«Ո՛չ,—մտքումն ասում է Խլրչիկը.—*ոչ. մեղրուկարագն ինչ է, եթէ հիմա ինձ մեղրուկարագ էլ տաս, էլի չես կարող ինձ խաբել...: Վլլիյ, ձեզ մատաղ... վիյ, նանի-ջան... այն ինչ զարհուրելի բաներ էին և ի՛նչքան էլ շատ էին անիծածները...»:*

—Չուտ, է, Խլրչիկ. շատ պէտք է սպասել տաս:

—Ի՞նչ ես ուզում, *ախպէր, ինձանից. մի՞թէ բաւական չէ, ինչ-որ եղաւ:*

—Ի՞նչ եղաւ որ բաւական լինի. *դեռ գնալու տեղ շատ ունենք:*

—Ո՞ւր պէտք է գնանք:

—Խնամի աղուէսին հիւր:

—Ինչե՛ր ես ասում... ինչե՛ր ես ասում... Երեսիդ խաչահանիր: Այ մարդ, մի՞թէ քրիստոնեայ չես:

—Ի-հարկէ-որ քրիստոնեայ եմ. *հապա հօ քեզ պէս անմեռոն չեմ:*

—Դէ, ինքզ առա. ինչպէս կարելի է հիւր գնալ խնամի աղուէսին: Մէկէլ տեսար՝ նա ինձ էլ ու քեզ էլ...

—Դու շների համար էլ միևնոյնն էիր ասում,—ընդհատում է նրան Յոլակը.—բայց ինչպէս տեսար, քեզ ձեռք էլ չտուին:

—Այն, բայց շներն այնքան էլ ոչինչ, սակայն նրան խնամի աղուէս կ'ասեն, գիտե՞ս թէ ոչ: Եթէ մենք նրա ճանկն ընկնենք, նա թէ ինձ կ'ուտի և թէ քեզ կը-կծի... բըա՛:

—Կը-ներես. ես ո՛չ վախկոտ եմ և ոչ անխելք, որ երբ նա վրաս յարձակուի՝ ձեռքերս ծալեմ և թոյլ տամ որ նա իր ուզածըն անի—կծի կամ ուտի: Նա քանի գլուխ ունի, որ կարողանայ ինձ կծել կամ վնասել: Եթէ նրան խնամի աղուէս են ասում, ինձ էլ քաջ տղամարդ կ'ասեն: Իսկ դու գիտե՞ս, ինչ ասել է քաջ տղամարդ:

—Ո՛չ, չգիտեմ,—պատասխանում է Խլը-չիկը:

—Քաջ տղամարդը նա է, ո՛վ փտանգ եղած ժամանակ ձեռքերը չի ծալում ու անգործ մնում, ո՛չ էլ փախուստի մասին է մտածում և կամ ուրիշից օգնութիւն սպասում. այլ ճիգուջանք է անում—ամեն

կերպ աշխատում որ անպատճառ յաղթի իր թշնամուն: Որովհետև քաջ տղամարդը լաւ է համարում պատուաւոր կերպով մեռնել, քան թէ անպատիւ կերպով ապրել: Հակացար, ա՛ Խլըչիկ:

—Այն:

—Դէ ուրեմն այն էլ իմացած եղիր, որ եթէ քո խնամի աղուէսը ձեռքս ընկնի, ես նրա մեծ պատառն ականջը կը-թողնեմ:

—Ուղիղ ես ասում, թէ հէնց միայն պարծենում ես:

—Անսխտան ու անշնորք մարդիկն են սուտ խօսում ու պարծենում, որ կարողանան իրանց անշնորքութիւնը ծածկել. իսկ ես՝ այդ քո գիտեցածներից չեմ, պա՛րօն Խլըչիկ:

—Մխ, երանի, հազար երանի քեզ, որ այդպէս քաջ ես...: Բայց գիտե՞ս, շատ մեծն է. ապրում է՝ այն, մեր դիմացի բլրակից դէնը, մի խոր ձորում: Մէկ օր հեռուից երբ ինձ տեսաւ... վրլի՛յ, Տէր Աստուած, ինչպէս վրապրծած վրաս յարձակուեց...: Այն էր՝ հա՛... մազ մնաց որ ճանկն ընկնէի... Վուրլի՛յ... հիմա էլ որ միտքս է ընկնում, միտս սարսուում, ջանս դող է ընկնում: Իմ բազդից

մօտիկ տունն պատահեց. իսկոյն ներս մտայ  
ու թաքնուեցի, թէ-չէ՝ դժուար-թէ ես ա-  
զատուէի այն հրէշի ճանկերից:

—Իսկ ձեր տունը ո՞րտեղ է:

—Ախ, ինչ թողին մեզ որ մեր տունը  
թողնէին: Ամեն բան խլեցին մեզանից. զրրկ-  
ուեցինք մշտական տանից էլ ու տեղից էլ:  
Ինքս էլ մնացի դռնէդուռն ընկած՝ թափա-  
ռական. որտեղ մութը վրայ է հասնում, այն-  
տեղ էլ մնում եմ և մի կերպ գիշերը լուսա-  
ցնում: Քանդուի, հիմնայատակ կործանուի,  
քարը քարի վրայ շմայ մեր սիրուն կացա-  
րանը, մեր պապական շէն օջաղը աւերողի  
տունը:

—Իէ-որ մի բան եմ ասում,—նկատում է  
Յուլակը,—իսկոյն սրտիդ դիպչում է: Էլ ի՞նչ-  
պէս շասեմ, թէ վախկոտ եմ, ո՞նց շասեմ որ  
միայն ականջներդ են երկարել, իսկ խելքդ էլի  
նոյնն է մնացել: Ասածիս ասպացոյց այն՝ որ  
դու մինչև անգամ ասպահով գիշերելու տեղ  
էլ չունես, այն-ինչ խնամի ազուէսը՝ ո՞վ գի-  
տի, այնպիսի տուն-ու-տեղ ունի, որ շա՛տ-շա-  
տերը կը-նախանձէին նրան: Իսկ զրա պատ-  
ճառն այն է, որ տեղն եկած ժամանակ նա  
քաջ է. ինչքան-որ հնար է՝ դիմազրում է իր

թշնամուն. իսկ երբ քաջութիւնը քիչ է լի-  
նում, խելքն է գործ վնում: Եւ հէնց զրանից  
է որ նա շատ անգամ է ազատ մնում վտան-  
գից: Իսկ ո՞վ այդպէս կ'անի, այսինքն միշտ  
խելօք ու քաջ կը-լինի, նա ո՞չ մի պակա-  
սութիւն չի ունենալ, նա ամենաանհրաժեշտ  
բաներից զրկուած չի մնալ քեզ պէս:

—Ինչ արած, ես քչով բաւականացող  
մարդ եմ: Աիշտ է, լաւ չէ որ սեպհական տուն  
չունեմ, բայց այս կայ՝ որ ճարածս միշտ  
անփող է լինում. երբէք տան վարձ չեմ  
տալիս:

—«Ճարածս միշտ անփող է լինում. եր-  
բէք տան վարձ չեմ տալիս»,—տնազ է ա-  
նում Յուլակը:—Թ՛լուհ, ամօթ քեզ. փոխանակ  
ամաչելու, դեռ պարծենում էլ ես: Պատուա-  
ւոր ու խելքը զլխին մարդու համար քո վա-  
րած կեանքը կեանք չէ, այլ ուղղակի բա-  
րոյական մահ:

—Համաձայն եմ հետդ, շատ ճշմարիտ  
ես ասում, բայց...

—Առանց բայց-մայցի,—զայրացած կրտ-  
րում է նրա խօսքը Յուլակը: Էլ բայց-ս ո՞րն է:  
Երբ գիտես, երբ հասկանում ես, թէ մի բան  
վատ է, անպատուաբեր է, ձեռք վերցրու և

էլ մի անիր, պրծաւ-զնաց: Ի՛նչևէ, վեր կաց  
զնանք խնամի աղուէսի մօտ և դու քո սեպ-  
հական աչքով տես, թէ քաջ մարդիկ ինչ-  
պէս են յաղթում շատ զօրեղ կարծուած  
անյաղթելի թշնամուն:

—Իմ ինչի՞ս պէտքն է այդ թամաշէն:  
Եթէ քեզ լսեմ ու հետզ գամ, այդ միկնոյն թէ  
ինքս իմ ոտով գնամ մահի բերանն ընկնեմ:

—Տօ, անխելք, հապա ես ո՞րտեղ եմ. էլ ո՞ր  
օրուայ համար է իմ բարեկամութիւնը: Իս-  
կի կը-թողնե՞մ որ նա մատով էլ է քեզ դիպչի:

—Լաւ, ւրի, նատիր. միայն խնդրում  
եմ՝ շատ էլ սաստկութեամբ մի քշիր:

—Մի վախենար, կամաց կը-քշեմ:

Յուրակը նստում է Խլրչիկի մէջքին ու  
զնում են ուղիղ դէպի այն ձորը, ուր ապ-  
րում էր խնամի աղուէսը:



## Բ

**Ի**սկ խնամի աղուէսն այդ միջոցին իր  
բնի—կացարանի առաջ պալըզած  
ու աչքը յառած ծառին նստած  
թռչուններին, բերանի ջուրը կուլ  
էր տալիս և մտքումն ասում.

«Արդեօք մնց անեմ, հը՞. ի՞նչ հնար գործ  
գնեմ, որ կարողանամ ձեզ ձեռք զցել, այ  
չխորպուրիկ—խայտաբղէտ, սրակտո՞ւց թեա-  
ւորներ»:

Աղուէսն այդ մտմտուքի մէջ էր, որ Յու-  
րակն ու Խլրչիկը սկսեցին իջնել բլրակի միւս  
լանջից դէպի ձորը: Նրանք թէև աղուէսի  
աչքովն ընկան, բայց արեգակը դիմացից լի-  
նելով՝ չէր թողնում նրան լաւ տեսնել. ուստի  
նա էլ ականջները խլրչեց—սրեց: Եւ այդ-  
պէս աչքերի ու ականջների օգնութեամբ կա-  
րողացաւ միքիչ գլխի ընկնել—հասկանալ:

«Այս էլ ի՛նչ նոր բան է: Վարժես եկողը տղայ է, որ նապաստակին ձի է շինել ու վրէն նստել: Թէ՞ պառաւելուց աչքերս փառակալել, լաւ չեն տեսնում»:

Աղուէսը թաթերով աչքերը հաղաղեց— տրորեց՝ որ պարզուեն, ապա սրուլիկ—սրածայր դունչը երկարացնելով՝ սկսեց օդը հոտոտել ու ինքն իր հետ խօսել.

«Վարժես հաւանոցի անմահական հոտ լինի, չէ՞... Ախ, ս՛ւր է, երանի չէ՞ր լինիլ, եթէ այդպէս լինէր այս ճլաւ-ճլաւին անող—քաղցից ճլճլացող դատարկ փորիս»:

Յոլակը վաղուց նկատած լինելով աղուէսին, մոռացել էր խոստումը, ուստի հայհարայ քշում էր: Երբ բաւական մօտեցան,



Խնամի աղուէսը:

աղուէսի զարմանքը աւելի կրկնապատկուեց:  
«Վա՛յ, ձեզ մատանդ,—ասում է աղուէսը,

—ուրեմն աչքերս ինձ չխաբեցին. ուղիղ էր տեսածս: Ես իմ օրումն այսպիսի հրաշք չեմ տեսած...: Ինչէ՛ր ասես, որ աշխարհումս չպատահի»:

Աղուէսն այսպէս խօսելով, շտապով տեղից վեր է ցատկում ու փնթփնթալով մրտնում բունը.

«Գրճճը, սե-գրճճը տանի ձեզ... էլ ի՛նչ ասել կ'ուզի որ դուք իմ մորթու համար էք եկել»:

—Բան չկայ,—ասում է Յոլակը.—կըսպասենք մինչև նորից դուրս գաս:

—Գլուխը քարը թէ չի դուրս գալ,—ասում է Խլրչիկը.—էլ ինչո՞ւ սպասենք. աւելի լաւ չէ՞ որ յետ գնանք:

—Եթէ պէտք է դատարկաձեռն յետ դառնայինք, էլ ինչո՞ւ համար էինք գալիս: Ես քո փորացաւը գիտեմ. քո ուզածն այստեղից հեռանալն է, որովհետև աղուէսի անհից էլի դողդ բռնել է: Բայց դու պէտք է լաւ գիտենաս, որ խելքը զլխին, օրինաւոր մարդը երբ մի գործ է սկսում, պարտաւոր է մինչև վերջը հասցնել և ոչ-թէ սկսած գործը կիսատ թողնել ու յետ քաշուել: Անխելք ու անչնորք մարդիկն են այդպէս անում—սկսած

գործը կհաստ թողնում, պարոն Խլրչիկ. իսկ ես գրանցից չեմ. կը-սպասեմ մինչև խնամի աղուէսը դուրս գայ:

Սակայն աղուէսը դուրս գալու միտք չունէր:

Չատ սպասելուց Յոլակի համբերութիւնը հատնում է, ուստի վերցնում է մի հոնի դազանակ, բնի առաջ գետնին տփտփացնում ու ձայն տալիս.

—Խնամի աղուէս, այ խնամի աղուէս, դուրս եկ, քեզ մօտ հիւրեր են եկել: Այդ ի՞նչ մարդավարութիւն է. ես չգիտէի թէ դու այսպէս անքաղաքավարի ես եղել: Մի՞թէ կարելի է հիւրերից թաքնուել. չէ՞-որ հիւրը Աստձունն է. ուրեմն էլ ի՞նչ ես ականջներդ այգեպանի ականջ շինել, որպէս-թէ չես լսում:

«Այս էլ ի՞նչ նոր բան է,—ինքնիրան բարկանում է աղուէսը:—Ի՞նչ յանդգնութիւն. մէկ տեսէք թէ ի՞նչ լեզուով են խօսում...: Ի՞նչ թօկից փախածներն են. հիմա ո՞վ գիտէ թէ բունս էլ մտնեն: Ամեն բան հաւատալի է այդպէս յանդուզն մարդկանցից: Ասում եմ, է՛. ո՞վ էր տեսել նապաստակը ձի դարձած: Ես իմ օրումը երբէք այսպիսի բան չէի տեսած, երբէք»:

Եւ մէկէլ՝ աղուէսի սրտին շատ դիպչում է այդ բանը—իրան սաստիկ վիրաւորուած է զգում. նրա զուլսը չի վերցնում որ ինքը մոխրագոյն աղուէսը լինի և նրանք—այն մի մատը երեխան ու վախկոտ նապաստակը համարձակուեն, անվախ ու աներկիւղ իր բնին մօտենան և այդպէս համարձակ լեզուով խօսեն իր հետ իր սեպհական տան դռանը:

Ահա այդ մտքերից զրգուած աղուէսը զուլսը դուրս է հանում և ատամները ժընգ-ժնգացնում—սպառնում:

Յոլակը՝ որ փայտը ձեռքին բնի վերև պատրաստ այդ բանին էր սպասում, իսկոյն վրայ է բերում ու տրանք... ուղիղ կարկածի—գանգի՝ էէ... մէջտեղին մի լաւ հասցնում:

Հարուածն այնպէս սաստիկ էր ու փառաւոր, որ նոյնիսկ նապաստակը մոռացաւ իր ահն էլ ու մահն էլ և սկսեց փառ-փառ ծիծաղել:

—Ու՛հ,—ցաւագին կախկանձում է աղուէսը և գլուխն իսկոյն ներս տանում:

«Տէր Աստուած, ի՞նչ անպիտաններն են եղել: Տեսա՞ք այս անպատուութիւնը...: Այսպէս բան...: Ուրեմն այս օրին էլ հասայ, էլի՛...»

Ո՛չ, ո՛չ,—զայրացած բացականչում է աղուէսը.—այս արդէն չափն անցաւ: Միքիչ սպասեցէք, յանդուգն ստահակներ. բաւական է որ իմանամ, թէ ի՞նչ էք անում այդտեղ, այնուհետեւ ես ցոյց կը-տամ այդ նապաստակին, թէ ի՞նչ ասել է՝ իր վերմակից երկար ոտը մեկնել: Իսկ այդ կապելու գիժ մանչուկին... նրա էլ մեծ պատառը աղանջը կը-թողնեմ»:

Եւ աղուէսը փորսոզ-փորսոզ մօտենում է բնի բերանին ու ծկրակում—աչքի տակով ուշի-ուշով մտիկ տալիս—դիտում, որ իմանայ նրանց մտազրութիւնը. սակայն տեղն անյարմար լինելով՝ չի կարողանում բան տեսնել:

Յուրակը գայլուն պէս նկատել էր բնի վրայ բուսած բարակ թմբին—փոքրիկ ծառիկը: Նա մտքին դնում է հեշտութեամբ բռնել աղուէսին: Այդ նպատակով զրպանից հանում է մի զազիլ—այժի մազից հիւսած բարակ թուկ, ճկում—կռայցնում է թմբի ծառիկն ու զազիլիցը մի օղակ շինում, կապում ծայրին, ապա օղակը կախ անում բնի դիմաց և այդպէս զարան մտած սպասում:

Օղակն այնպէս լաւ է գալիս մուտքի բերանին, որ նայնիսկ խորամանկ աղուէսը զլխի

չի ընկնում—չի հասկանում, թէ իրան ի՞նչ փտանգ է սպառնում:

Անորոշ զրութիւնից խնամի աղուէսի բարկութիւնը զագաթնակէտին է հասնում. նա էլ չի կարողանում համբերել:

«Ախր այս ի՞նչ բան է,—ասում է աղուէսն ինքնիրան.—չարունակ հօ բանտարկուած շեմ մնալու. սրա ճարը պէտք է զըտնել թէ ոչ: Ես սովոր չեմ այսպէս անորոշ զրութեան մէջ ապրել. մեռնելը հազար անգամ լաւ եմ համարում այս տեսակ ապրելուց: Այսպէս անորոշ զրութեան մէջ մնալը կատարեալ խայտառակութիւն է. լաւ է կամ դէս լինի, կամ դէն... Քիչ է մնում, թէ սիրտս ճաքի. մի սրնէ անտուն-անտեղ թափառական նապաստակ և մի փախքոտ տղայ, որի բերանից դեռ կաթի հոտ է գալիս՝ համարձակուեն գան ու իմ սեպհական կացարանում այսպէս համարձակ, այսպէս յանդուգն կատարներ անեն ինձ հետ...: Ախ, դու, ինասնի կտոր մանչուկ. մանաւանդ դու, նապաստակի լակոտ...: Մուշտակս դեռ մի կողմը մնայ, մենակ իմ սիրուն, բրդոտ պոչս աւելի թանգ արժի ձեր երկսի գլխից, գիտէ՞ք թէ ոչ: Սպասեցէ՛ք, հիմա ես ձեզ ցոյց կը-տամ»:



Աղուէսն այդ ասելուն պէս իսկոյն ականջները ծալում, վզին է կպցնում, Խլըշիկի վրայ զարգանդ—սոսկումն բերող փիրուզագոյն աչքերը չռում ու գլուխը բնից դուրս բերում: Բայց նոյն րոպէին էլ վեր է թռչում և մնում օդում կախ ընկած, ոտերը բեալղի-բեալղի անելիս—օդում արագ-արագ շարժելիս:

Խլըշիկը աղուէսի յանկարծակի բնից դուրս գալուց լեղապատառ է լինում ու կալչում գետնին, շունչը-մունչը փորը գցում: Բայց երբ տեսնում է աղուէսին ծառից կախ ու ոտերը օդում բեալղի-բեալղի անելիս, արմանք-զարմանքից վեր է քաշվում ու մնում ապշած, աչքերը պլըզըցրած—չռած—լայն բացած՝ աղուէսին նայելիս: Խեղճն իր աչքերին չէր հաւատում:

Սակայն այդտեղ ոչ ապշելու բան կար, ոչ էլ արմանալու կամ զարմանալու. այդ մի շատ հասարակ բան էր:

Բնից դուրս անցած-դարձածից անտեղեակ աղուէսը հէնց-սր գլուխը դուրս է բերում, օղակը վիզն է ընկնում, իսկ Յոլակն անմիջապէս ճկած թմբին բաց է թողնում, որ իսկոյն ուղղուելով՝ աղուէսին էլ վեր է բարձրացնում իր հետ:

Աղուէսին նայելը կատարեալ թամաշա էր: Նա ինքնիրան թափահարում էր, որքան իրանում ոյժ կար, ոտները շարունակ բեալղի-բեալղի անում, դէսուղէն ձգձգվում, վեր-վեր թռչում, մէկ խօսքով՝ ամեն կերպ ճիգ-ուջանք էր անում որ ազատուի. սակայն իզո՛ւր. ոչ մի կերպ այդ նրան չէր աջողվում: Ղազիլը շատ էր ամուր, կտրուելու միտք չունէր:

Աղուէսը քանի շարժվում էր, կամ ծլունգ-ծլունգ լինում—վեր-վեր ընկնում, այնքան էլ հանգոյցը—կապը աւելի և աւելի էր ձրգվում, նրա վիզն աւելի հուպ տալիս—սեղմում:

Աղուէսը ցաւից ուշաբերվում—խելքի է գալիս:

«Ի՞նչ յիմարն եմ,—ասում է մտքումը.—խելքս ո՞րտեղ է, որ թշնամիներին աչքի առաջ այսպէս շարշարվում եմ, նրանց հացին եղ քսում—նրանց ուրախացնում, վրաս ծիծաղացնում: Ո՛չ, լաւ չեմ անում. այսպիսով բան չի դուրս գալ: Ուրեմն էլի լաւն այն է խորամանկութիւնս ձեռք առնեմ. ստամեունակ տամ—սուտ սատկած ձևանամ: Սրանք խաբուելով՝ ինձ վայր կ'իջեցնեն, իսկ ես իս-

կոյն վեր կը-թուշեմ ու հանդէ... կը-փախչեմ»:

Եւ աղուէսը դադարում է սրնէ շարժում անելուց, փակում է աչքերն ու մնում անշարժ կախ ընկած, իսկ-և-իսկ ինչպէս սատկած:

Սակայն Յուլակը չի խաբւում, նա իր պապի պատմածներից գիտէր, որ աղուէսները կեղծաւոր ու անպիտան մարդկանց պէս խորամանկ են լինում, որոնց ասածն ու արածը հալած իւրի տեղ չպէտք է ընդունել—զուտ ճշմարտութիւն չպէտք է համարել. իսկ նրանց հետ գործ ունենալիս, շատ զգոյշ պէտք լինել. երբէք նրանց չհաւատալ լիովին, այլ հարկաւոր է միշտ կասկածել նրանց վրայ:

—Հը՛-հը՛, խորամանկ անպիտան, դու այն պտուղը չես որ միքիչ վիզզ հուպ տալուց այդպէս շուտ սատկէիր,—ասում է Յուլակն ու վերցնում հոնի ահազին գազանակը և շարում աղուէսի ջանին, տնւր թէ կը-տես՝ վերթակում:

Բայց աղուէսը դիմանում է այդ սարսափելի հարուածներին ու չի շարժվում:

—Ո՛չ, խորամանկ, ո՛չ. ինձ չես խաբիլ, դու միայն ստամբունուկ ես տուել: Ես հիմա գիտեմ, թէ ինչ կ'անեմ քեզ:

Ասում է Յուլակը, գրպանից մի կլոր քար հանում և վրայ բերում ու տալիս աղուէսի ճիշտ ականջակոթին—քներակին:

Այդ անսպասելի սաստիկ հարուածից աղուէսը ցնցվում է:

—Ը՛հը՛... կերանք. այդ քո խաբեբայութեան համար արժանի պատիժ: Երևի այդպէս բան չէիր սպասում, այնպէս չէ՞. ուրեմն միւս անգամ էլ չխաբես, անպիտան:

Բայց Յուլակը քարով տալն էլ քիչ համարելով, մօտենում է աղուէսին և բռնում նրա բրդոտ պոչից ու կախ ընկնում: Աղուէսն սկսում է խրխուացնել:

Յուլակն այդպէս կախ ընկած այնքան է ճօճվում զէսուզէն, որ աղուէսը դադարում է խրխուալուց և բոլորովին թուլանում:

Երբ Յուլակը ծառիկը ճկում է, որ սատկած աղուէսին վայր բերի, Խլըչիկը լեզպատառ ձայն է տալիս.

—Է՛յ, է՛յ... այդ ի՞նչ ես անում. հօ չե՞ս գժուել...:

—Ի՞նչ է:

—Ի՞նչպէս թէ՛ ինչ է... ի՞նչպէս կարելի է այդպէս անզգոյշ լինել. չէ՞-որ դա կարող է վեր ցատկել և յարձակուել մեզ վրայ:

—Ո՛չ, սիրելիս. սրա բանը պրծաւ, սրա ժամն ու պատարագը դուրս եկաւ-վերջացաւ. սա այլևս չի վերկենալ: Եթէ չես հաւատում, մօտեցիր, ձեռքդ դիր վրան և կը-համոզուես:

—Ի՛նչ լօթին է, է՛ —նկատում է Խլըշիկը. —ինձ ասում է մօտեցիր ու ինքը հեռու է կանգնում, որ կարողանայ շուտ կծիկը դնել — փախչել, եթէ վտանգ լինի:

—Նախ՝ վտանգ չկայ, —ասում է Յուլակը. —Երկրորդ՝ քեզ նման թուլասիրտ վախկոտներն են վտանգից փախչում այդպէս շուտ. երրորդ՝ անպիտան մարդիկն են իրանց ընկերին թողնում մենակ վտանգի մէջ ու իրանք փախչում և վերջապէս չորրորդ՝ որպէսզի համոզուես, թէ ես ո՛չ վախեցողն եմ և ոչ աղուէսը նորից կենդանացողը, ահա, տես:

Ասում է Յուլակը և մօտ գնում, աղուէսին ոտքով զրզում, պոչից ձգում, ականջներից քաշքշում:

—Տեսնո՞ւմ ես, ա՛ Խլըշիկ:

Խլըշիկը թէև համոզվում է, բայց-և-այնպէս ահուզողով, կամաց-կամաց տոտիկները փոխելով մօտենում է աղուէսին, վիզը երկացնում և՛ խլչած ու աչքերը շուտ հէնց

այն է կամենում է թաթիկը դնել աղուէսի պոչի ծայրին, որ մէկէլ յանկարծ Յուլակը մի փառաւոր ծափ է տալիս:

Այդ անսպասելի ձայնից Խլըշիկը զրկի-փրկի—յանկարծակիի եկածի նման տեղից այնպէս է ծլունգ լինում, որ տասը զագ դէնն է ընկնում և աչքերը լայն բաց արած՝ աղուէսին է դիտում հեռուից:

Բայց երբ տեսնում է որ աղուէսը առաջուայ նման էլի պառկած է անշարժ, իսկ Յուլակն էլ շարունակ դէսուդէն է քաշքշում, շուռումուռ տալիս, ինքն էլ է մօտենում, որ լաւ տեսնի, թէ ի՛նչ բանի է իր բարեկամը:

Յուլակը սկսել էր մաշկել—մորթագերծանել աղուէսին:

Այդ բանից նապաստակի վրայ զարդանդ եկաւ և նա սկսեց գնզրր-գնզրր դողացնել. որովհետև նրա մտքովն անցաւ.

«Հապա եթէ դրանից յետոյ էլ ի՛նձ բռնի ու մաշկի՛ր»...:

—Ի՛նչ է, Խլը՛շիկ. ինչո՞ւ ես այդպէս գողում: Չլինի՞ թէ էլի բռնեց վախկոտութիւնդ: Թի՛ւհ... քեզ մարդ ասողին...

—Ո՛չ, —ասում է ամօթահարուած Խլըշիկը. —ես... ես վախիցս չեմ դողում... ես

աղուէսից էլ շեմ վախենում, այլ... ա... այն-  
պէս...

—Այսինքն ցրտից ես զոգում, հա՛ն: Կա՛ն,  
թո՛ղ այդպէս լինի: Դէ, մէկ արի, ինձ օգնիր,  
որ լաւ մաշկեմ, մորթին շժակուի, ափսոս է:  
Արի բռնիր:

«Այս մարդը հօ շի գժուել. ի՞նչ է ասում»,  
—մտքի մէջ ասում է Խլրշիկը:—Հասա եթէ  
խնամի աղուէսը սուտ շտափած—ուշագնաց  
է ձեանում, յետո՞յ... Վը՛յի՛յ, նանի-ջան, ո՞նց  
կ'անեմ, եթէ իրաւ այդպէս լինի»:

—Դէ, շուտ, է. ախր, ժամանակ չկայ,—  
բղաւեց Յուլակը:—Ականջիդ բնմբակը հա-  
նիր. քեզ ասում են որ վախենալու բան չկայ...:  
Վայ, մէկ սրան մտիկ տուէք, թէ ինչպէս է  
զոգում ուրի պէս...: Ամ՛ժ: Մարդ այդպէս  
էլ կը-վախենայ:

—Ե՛ս... ես... ա... ա... ամե... ամենեին  
էլ... էլ... էլ շեմ վախենում, այլ այնպէս...

—Կա՛ն, լա՛ւ, թո՛ղ այդպէս լինի. դէ, շուտ  
արի:

Երբ մաշկում-պրծնում են, Յուլակը գի-  
մում է Խլրշիկին.

—Տեսա՞ր, սիրելի Խլրշիկ. ահա՛ այսպէս  
լաւ բան է քաջ ու անվախ լինելը. աղուէսը

ոչ քեզ կերաւ և ոչ ինձ կծեց, այլ դեռ իր  
մորթին էլ մեզ ընծայեց:

Յուլակը ինքնաբաւական կերպով մորթին  
գիտում է, թափ տալիս ու գցում ուսովը: Ապա  
զրպանից մի կեռ է հանում, աղուէսի ազդրի  
փափուկ մսից կտրում, ծայրին ամրացնում ու  
խրում գօտիկը: Պապի պատմածներից Յու-  
լակը ոչ մի բան չէր մոռացել:

—Այդ ինչո՞ւ համար այդպէս արիւր,—  
հետաքրքրուեց իմանալ Խլրշիկը:

—Հէնց այնպէս. ո՞վ իմանայ, կարող է  
պէտքը գալ: Հա՛ն, ինչպէս տեսար՝ ես ու դու  
խնամի աղուէսի հետ մեր հաշիւը վերջա-  
ցրինք: Դէ, հիմա ասա՛, տեսնեմ. յոգնածու-  
թիւնդ անցա՛ւ:

—Այո՛:

—Ուրեմն գնանք:

—Հիմա՞ ուր:

—Հիմա էլ վայրի-ծաղկակոխու մօտ հիւր:

—Այդ ո՞վ է. ես զբան չեմ ճանաչում:

—Ի՞նչպէս չես ճանաչում. քաւոր-զայլի  
համար եմ ասում:

—Կա՞տակ ես անում, թէ՞ լուրջ կերպով  
ես ասում,—զարմացած հարցնում է Խլրշիկը:

—Ամեն բան իր տեղն ու ժամանակն

ունի. այժմ կատակի ժամանակը չէ, այլ  
գործ շինելու: Դէ, շուտ, մօտեցիր, մէջքդ  
դէմ արա, նստեմ, գնանք:

— 2է, անպէր, այս անգամ չեմ գալ: Գիւ-  
ղամիջով շների առաջից տալ-անցնելը... էլի  
մի կերպ կարելի էր. աղուէսի մօտ գալը՝  
նոյնպէս. բայց գայլի մօտ գնալ՝ այս մէկը  
կը-ներես, ո՛չ մի: Ժամանակ ես այդ չեմ անիլ:

Եւ Խլրշիկն սկսում է ականջները թա-  
փահարել, ոտները բարձրուցածը անել, կուտ-  
ուուզ պոչը խաղացնել ու հետն էլ գլուխը  
շարունակ տմբտմբացնել, այսինքն թէ հաս-  
տատ եմ ատում որ չեմ գալ վայրի-ծաղկա-  
կոխու մօտ:

— Դու միայն ինձ տար և նրա տեղը  
ցոյց տուր, ուրիշ ոչինչ:

— Կրկնում եմ որ չեմ կարող գալ. ես  
անկարող եմ նրան մօտենալ:

— Ի՞նչ կարիք կայ նրան մօտենալու.  
ինձ այն էլ բաւական է, եթէ հեռուից ցոյց  
տաս:

— Ո՛չ, ո՛չ... չեմ կարող... հաւատացնում  
եմ, չեմ կարող: Տես, դեռ ոչինչ, բայց արդէն  
ծնկներս սկսել են զողալ:

— Այդ նրանից է որ դու վախկոտ ես:

— Ո՞վ է վախկոտ:

— Դ՛ու, պարոն Խլրշիկ:

— Իսկ միքիչ առաջ այդպէս չէիր ասում,  
— վիրաւորուած նկատում է Խլրշիկը:

— Զատ ուղիղ է. միքիչ առաջ ես այնպէս  
էի կարծում, թէ դու դարձել ես մի անվախ,  
մի պատուաւոր քաջ տղամարդ, որ իր նսլա-  
տակին հասնելու համար ո՛չ մի վտանգից չի  
վախենում, յետ չի քաշվում. բայց այժմ  
պարզ տեսնում եմ որ սխալուել եմ՝ քո մա-  
սին այդպէս լաւ կարծիք կազմելով, քանի-  
որ դու էլի առաջուայ փալասն ես:

— Ո՞նց թէ՛ փալաս...: Հապա շների մօ-  
տից վազէվազ անցնելս, հապա քեզ խնա-  
մի աղուէսի մօտ բերելս...: Ո՛չ, կը-ներես.  
եւ ո՛չ թէ փալաս եմ, այլ քանջ եմ, քանջ:

— Զատ լաւ. եթէ չես ուզում, որ քեզ  
փալաս կոչեն, այսինքն թոյլ ու վախկոտ  
անուանեն, եթէ ցանկանում ես որ ամենքն  
էլ քաջ ասեն քեզ, ուրեմն դու պէտք է ինձ  
գայլի մօտ տանես, որովհետեւ ես նրա տեղը  
չգիտեմ:

— Տեսնո՞ւմ ես այն պիպոզ բլրակը—  
սրածայր փոքրիկ սարը, — ասում է Խլրշիկը  
և թաթիկը մեկնում:

—Այո՛, ինչո՞ւ համար ես ասում:

—Ահա հէնց նրա մօտերըումն է ասը  
րում վայրի ծաղկակոխին:

—Դէ, գոնէ մինչև այդ սարը տար,  
այնուհետև ինքս մենակ էլ կարող եմ գնալ:

—Եթէ այդպէս է, համաձայն եմ, այդ-  
քանը կարող եմ,—ասում է Խլրչիկն ու  
մէջքը դէմ անում:

Յուրակն իսկոյն նստում է ու ճամբայ են  
ընկնում:

Դեռ սարի ստորոտին չհասած, Յուրակն  
սկսում է խօսել՝ որպէս թէ ինքն իր հետ.

«Ախ, անասոս մեր իշուկ, որ ոտը կո-  
տրուեց, շատ ավստոս: Երբ նստում էի վրէն,  
այնպէս էր գնում, այնպէս շափ ընկած վազում,  
որ մի աչքի ճպելում—մի ակնթարթում անա-  
զին տարածութիւն էր կտրում-անցնում: Ե-  
րանի-թէ էլի նա լինէր իմ տակին...»:

«Էհէ՛... չլինի՞ թէ այդ քարը իմ բակը  
զցեց, կամ գուռնով է ինձ հասկացնում. չլի-  
նի՞ թէ սա ինձ չի հաւանում: Սակայն ես ին-  
չով եմ պակաս, այն էլ մի սրևէ իշուկից»,  
—ասում է մտքի մէջ մեր Խլրչիկն ու շափ  
ընկնում սարնիվեր և մի բռնակում սարի զա-  
գաթն էլ տալիս-անցնում: Բայց այլևս չկա-

րողանալով իր թափը պահել, հիմա էլ սար-  
նիվար է սկսում վազել: Խլրչիկն այնպէս  
արագ էր գնում, ինչպէս-որ սարի գլխից թու-  
արած—զլորած քարն է զլորվում դէպի ցած:



Խլրչիկն այնպէս արագ էր գնում, ինչ-  
պէս որ սարի գլխից զլորած քար:

Յուրակը հազիւ էր պահում իրան որ վայր  
չընկնի:

Բայց դեռ սարի ստորոտին չհասած, Խլր-  
չիկը լեղապատառ գիրթ—մէկէնիմէկ կանգ  
է առնում:

Յուրակն իսկոյն գլուխը բարձրացնում է և ինչ տեսնի. մի ահագին գայլ, որ դէպի իրանց էր գալիս:

Գայլի փորը վեց-վեց էր անում, այսինքն շատ էր քաղցած. ուստի երբ տեսաւ երկու որս իրանց ոտով դէպի իրան գալիս, ուրախութիւնից քիչ մնաց խելքը կորցնէր: Նրա դատարկ ստամոքսը խաղսն ընկաւ—ճլաւ-ճլաւին արաւ—ճլճլաց, բերանի ջուրը գնաց, աչքերը ծլաւ-ծլաւին արին ու պէծին-պէծին տուին:


«Արդեօք առաջ ո՞րին մաքրագարդեմ—խժուեմ—ուտեմ», մտածում է գայլը և քիչ-քիչ նրանց մօտենում:

Խեղճ Խլըշիկը երկիւղից կարծես քարացաւ տեղնուտեղը: Իսկ Յուրակը՝ որ գնացել էր գայլին անսպասձառ յաղթելու նպատակով, աներկիւղ սպասում է գայլի մօտենալուն. իսկ մինչև այդ՝ գօտիկից հանում է մտով կեռը և վրայի թոկը յետ տալիս:

Երբ գայլն արդէն բաւականին մօտենում է, Յուրակն անմիջապէս կեռը նրա առաջն է գցում:

Գայլն առանց երկար մտածելու, իսկոյն համփ է անում ու հախռում—բերանն առ-

նում: Ի՞նչ անէր, քանի-որ տեսածը արիւնաթաթախ միս էր, իսկ ինքը անչափ սոված: Ուստի հախռելուն պէս դնփ-դնփ է անում ու մի կտոր կուլ տալիս, մի եր-



Վայլի ծաղկակոխին:

կրորդ կտոր էլ նոյն ձևով լափում է, բայց երրորդում ծուղակն է ընկնում. կեռը խրրփում—ցցփում է նրա կոկորդի մէջ:

—Գայլը յանկարծակի—զրկի-փրկի եկածի նման սկսում է վեր-վեր թռչել, դէտույէն ընկել, հազալ, բխկալ, զկուտալ, թանթլիկները յուսահատաբար քսել երեսին, որ պէսզի կոկորդն աղատի սարսափելի ցաւից, սակայն իզուր. այդ հնարներից ոչ մէկն էլ չի օգնում:

Յուրակը երբ տեսնում է թէ կեռը լաւ է ցցուել նրա կոկորդի մէջ, իսկոյն վազում է դէպի մօտիկ ծառն ու ձեռքին բռնած թոկի միւս ծայրը զիւրով տալիս—փաթաթում

ծառի բնին ու ամուր կապում: Ապա վեր-  
ցնելով հոնի ահագին դազանակը, ընկնում  
է գայլի ջանին և գորս դու պատուիրեցեր՝  
տուր որ կը-տաս—սոսկալի հարուածներ  
հասցնում:

Մարտավելի ցաւից գայլն սկսում է ու-  
նալ, գուռալ, մոնչալ և գայրութից—սաստիկ  
բարկութիւնից՝ կեռին կապած թօկը կրծել  
որ կտրի: Բայց զբանով նա իր տունն է քան-  
դում—իր դրութիւնը աւելի դժուարացնում:  
Որովհետև քանի նա կրծելով թօկը՝ հուփ էր  
տալիս—սեղմում որ կտրի, այնքան էլ կեռը  
աւելի և աւելի խորն էր մտնում:

Գայլի աչքերը այնպէս արիւնակալեցին—  
արիւնով լցուեցին, որ թփում էր թէ՛ հիմա  
որտեղ որ է, պէտք է դուրս տրաքուեն: Լե-  
զուն կախ է ընկնում, մազերը փշաքաղվում են  
և նա նորից սկսում է դէսուղէն անել, թանթ-  
լիկները երեսին քսել, բայց երբ տեսնում  
է թէ էլի բան չի դառնում, կրկին սկսում է  
իր գոռոցը, այն էլ այնպէս սաստիկ, որ նրա  
ձայնից սար, ձոր ու անտառ սկսում են  
թնդալ ու դրմբդրմբալ:

—Դէ, վազիր, սիրելիս, — դիմում է Յուլակը  
թուր-ու-մուքը ցամաքած ու ահից լեզուն փորն

ընկած նապաստակին—վազիր գնա, բժիշկ  
կանչիր. մի՛ թէ շես տեսնում, որ վայրի-ծաղ-  
կակոխին խեղդվում է... Բայց ո՛չ, հարկա-  
ւոր չէ, ինքս էլ կարող եմ օգնել: Ինչպէս  
տեսնում եմ կոկորդի մէջ բան է մնացել.  
որպէսզի դուրս գայ, հարկաւոր է միքիչ  
տփտփել ու վեր հատել—խփել մէջքին:

Եւ Յուլակը կրկին ձեռքն է առնում հո-  
նի դազանակն ու վրայ բերում գայլի՝ ճիշտ  
կարկաժի—զանգի մէջտեղին տալիս և հա  
քաշվում:

Այդ հարուածից վայրի-ծաղկակոխին մի  
զազ ծլունգ է լինում:

Յուլակը կրկին մօտ է գնում և դնչին  
այնպէս ծեփում—խփում, որ դայլը մաղիկ-  
մաղիկ, տապակ-տապակ է դալիս, ոռնում,  
կոնձկոնձում, բայց հետզհետէ աւելի թույլ,  
աւելի կամաց ու կամաց և վերջապէս խոր-  
խոցն է ընկնում:

—Է՛, հիմա սա առանց մեզ էլ կը-սատ-  
կի, —ասում է Յուլակն ու շուռ գալիս դէպի  
Խլրչիկը, որ կուշ եկած, փորսոզ տալով ի-  
րան էր մօտենում:

Խեղճի աչքերի վայլը բուրրովին գնացել  
էր, ականջները ցնցվում էին, ատամները կափ-



կափում—իրար զիպչում. նա շարունակ՝ «հիւ-  
հա-հիւ, հիւ-հա-հիւ»... փնչացնում էր և ահ  
ու զոդով խլրչում ու խլրչկոտում:

Յուրակն անկարող լինելով իրան պահել,  
մի այնպիսի քրքինջ է բարձրացնում, որ Խլր-  
չիկը վերաւորուելով՝ նկատում է.

—Ձեմ հասկանում, թէ ի՞նչ կայ այդ-  
պէս ծիծաղելու:

—Տօ, լօշտակականջ, ո՞վ լինի, որ քեզ  
այդպէս տեսնի ու չծիծաղի, նոյնիսկ տնազ  
չանի: Մի՞թէ չես տեսնում, որ վախենալու  
բան չկայ:

—Քայց ես... ես...

—Կիտեմ, զիտեմ,—նրան ընդհատում է  
Յուրակը.—երևի թէ դու չես վախենում, այլ...  
այնպէս: Լաւ, եթէ այդպէս է, ուրեմն զնա  
օգնիր նրան, մեղք է:

Սակայն ինչ օգնել, Խլրչիկը մեռած  
էր ու կենդան չէր. նա շատ վաղուց կը-լի-  
նէր կծիկը դրած—փախած, բայց արմանք-  
զարմանքից մնացել էր վեր քաշուած, թէ  
ախր այս ի՞նչ հրաշք է, որ այդ մի մատը  
մանչուկը—փոքրիկ տղան, որին ինքն իր  
մէջքի վրայ բերաւ, կարողացաւ ո՛չ-միայն  
ազուէսին, այլև այդ ա՛նագին գայլին սպանել:

«Քայց սա հօ մենակ չէր կարող գալ,  
այլ ես բերի—մտածում է Խլրչիկը:—Այո, ես  
բերի սրան այստեղ... ես, ես՝ Խլրչիկս»:

Եւ նապաստակը ներքին բաւականու-  
թիւնից զազարում է փնչալուց:





Գ

**Խ**լրչիկ,—ասում է Յուլակը,—թող-  
նենք գայլը մնայ այստեղ, յետոյ կը-  
գանք, կը-մաշկենք. իսկ հիմա գնանք:

—էլի ուր:

—Չէ՛-որ դու հիմա բոլորովին քաջ ես,  
այնպէս չէ՛:

Խլրչիկը հպարտութեամբ դեռ կնդով է  
անում, որպէս հաւանութեան նշան, և ապա  
սկսում ետի ոտերով ցրիւ տալ ձիւնը և յե-  
տոյ ասում.

—Ի-հարկէ-որ քաջ եմ. չէ՛-որ ինքս բե-  
րի քեզ այստեղ:

—Չստ բարի. դէ հիմա էլ արի գնանք  
մի ուրիշ տեղ:

—Գու հէնց մի-զլուխ—շարունակ ասում  
ես գնանք, բայց չես ասում թէ ուր:

—Փնթփնթան-ապօր մօտ հիւր:

—Այդ ո՞վ է. ինչ տարօրինակ անուն  
ունի:

—Տօ, անպոզ անասուն, արջի մօտ, էլի՛:

—Դէ, այդպէս պարզ ասա, որ հասկա-  
նամ, է՛:

—Մեծ մարդկանց անունը տալիս, միշտ  
փութ-անունով—մակղիրով են ասում:

—է՛հ, նրա անունն էլ կտրուի ու ինքն էլ:

—Սակայն դու մօտկանց երբեիցէ արջ  
տեսած կամ:

—Չստ, ինչքան ուզում ես. այնքան  
չստ՝ որ եթէ տասը տարի շտեսնեմ, դար-  
ձեալ չեմ ուզիլ նորից տեսնել նրա երեսը:

—Բայց ես շատ եմ ուզում տեսնել, դու  
պէտք է ինձ նրա մօտ տանես:

—Գժուար թէ կարողանամ, որովհետև  
ոտերս շատ են ցաւում:

—Դէ, դէ... խնդրեմ, սուտ-սուտ բաներ  
չհնարես, ամօթ է: Լսողն ինչ կ'ասի. չէ՛-որ  
կ'ասի՝ վախկոտ ես: Բայց, փառք Աստուծոյ,  
դու քաջ ես և ոչ վախկոտ. ուրեմն էլ ինչո՞ւ  
ես սուտ խօսում: Երևի-թէ յոգնած ես. հէնց

այդպէս էլ ճշմարիտն ասան. որովհետեւ յոգնեւն ամօթ չէ, այլ սուտ խօսեւն է ամօթ և այն էլ՝ մեծ ամօթ:

Միքիչ հանգստանալուց յետոյ Խլրչիկը Յուլակին շալակն է առնում ու ճամբայ են ընկնում:

Նապաստակը գնում էր ու ինքն իրան մտածում.

«Եւ իրաւ, փնթփնթան-ապէր է, թէ ինչ քար-ու-քացախ է, նա ինձ ի՞նչ կարող է անել, քանի-որ սրա նման քաջ ու անվախ մարդը հետս է լինելու, և վերջապէս փախչել միշտ կարող եմ. ծանրագոգոթ—դանդաղաշարժ արջը հօ չի կարող ինձ հասնել որ բռնի»:

Սակայն չնայելով Խլրչիկի այդպէս մտածելուն, բայց-և-այնպէս էլի չի ուզում արջի մօտ գնալ, ուստի ասում է.

—Ես ոչ գիտեմ, ոչ էլ լսած եմ թէ որտեղ են բնակվում արջերը. բայց իմացածովս՝ հեռու, անչափ հեռու պէտք է գնալ, ուրեմն ի՞նչպէս կարող ենք այսօր տեղ հասնել, քանի-որ օրից բաւական անցել է:

—Էլի սկսեցիր փչել—սուտ խօսել. մի՞թէ չես հասկանում որ անպիտան մարդիկն

են սուտ խօսում: Ազնիւ մարդը ոչ մի ժամանակ ոչ կը-ստի և ոչ էլ կը-խաբի: Երեսան էլ կ'իմանայ, որ ի՞նչ տեղ զայլեր են լինում, այնտեղ էլ արջեր կը-լինեն. իսկ մի՞թէ դու մի երեխայի շափ էլ հասկացողութիւն չունես...: Ուղիղ գնա. այժմ զէպի աջ, այս կողմը անտառն աւելի խիտ է: Փնթփնթան-ապէրը հիմա երեւի իր բնի առաջ արևակող արած՝ փնթփնթալէ թանթլիկն է ծծում:

—Բայց քո ինչի՞դ է պէտքը փնթփնթան-ապէրը. կամ դու ո՞վ, նա ով: Եւ վերջապէս գիտե՞ս ինչ են ասում նրա թանթլիկի մասին:

—Ո՛չ, չգիտեմ. ի՞նչ են ասում,—հարցնում է Յուլակը:

—Ասում են տասը փթի ծանրութիւն ունի: Գէ, մէկ մտածիր, թէ ինչ սարսափելի բան կը-լինի, եթէ նա իր այդ տասը փթանոց թանթլիկով մարդու գլխի բամփի—խփի, մարդը այն գնալն է որ կ'երթայ, էլ յետ չի գալ, այսինքն բանն ու հոգին մէկ կը-լինի— իսկոյն կը-մեռնի:

—Մի վախենար, մենք այդ օրը չենք ընկնիլ—մեզ հետ այդպէս բան չի պատահիլ:

—Ինչո՞ւ չի պատահիլ,—հետաքրքրվում է իմանալ Խլրչիկը:

—Նրա համար որ,—պատասխանում է Յուլակը,—մենք յիմարի պէս գլուխնիս դէմ չենք անիլ, որ նա բամփի—խփի. վախկոտներն ու յիմարներն են այդպէս անում: Իսկ չէ՞-որ ես ու դու՝ և՛ խելօք, և՛ քաջ ենք:

Խլըշիկն՝ ուրախացած Յուլակի խօսքերից, ինքնաբաւական կերպով միքանի անգամ իրար վրայ կնգով է անում:

—Խլըշիկ, սպասիր քեզ մի քանի հարց տամ:

—Ի՞նչքան ուզում ես:

—Արդեօք անցանք այնքան շների առաջից թէ ոչ:

—Այո՛, անցանք:

—Խնամի աղուէսին ծառից կախ տուխնք թէ ոչ:

—Այո՛, կախ տուխնք:

—Լա՛ւ. վայրի-ծաղկակոխիին—քաւոր-գայլին որսացի՞նք թէ ոչ:

—Այո՛, ճիշտ է. իմ սեպհական աչքով տեսայ:

—Դէ՛, այդքան բանն անելուց յետոյ այժմ էլ կարող ենք ուղղակի հիւր գնալ փրնթ-փնթան-ապօր մօտ:

—Ո՛ւղղակի նրա մօտ,—սարսափահար

հարցնում է Խլըշիկն ու դողոցն ընկնում:

—Դու խելք ունե՞ս, Խլը՛շիկ:

—Ի-հարկէ-որ ունեմ, հապա խօմ անխելք չեմ,—միքիչ վշտացած պատասխանում է նապաստակը:

—Դէ՛, եթէ խելք ունես, հապա էլ ինչո՞ւ ես մի բանը հարիւր անգամ կրկնել տալիս: Խելօք մարդուն՝ բանը մէկ անգամ կ'ասեն: Քեզ քանի անգամ ասացի՝ թէ վախենալու բան չկայ, բայց դու էլի ուռի պէս դողում ես. ամօթ չէ՞...: Լա՛ւ իմացած եղիր որ ո՛վ քաջ չէ, նա օրինաւոր մարդ չէ, այլ վախկոտ, անպատիւ արարած, հետևապէս ապրելու էր անարժան: Հասկանո՞ւմ ես:

—Այո՛:

—Չատ բարի. էլի նորից կրկնում եմ որ փնթփնթան-ապէրը քեզ մատով անգամ չի դիպչիլ. լօշտակ-լօշտակ ականջներդ էլ, պաճօ քիթդ էլ ու կուտուուզ պոչդ էլ անվնաս կը-մնան:

—Իսկ մո՞րթիս:

—Անհոգ եղիր, այդ էլ տեղը կը-մնայ. որովհետև քամին այնքան է թակել ու անձրևը ձեծել, որ մազերը կպել են կաշուիդ, դարձել թաղիք: Դէ՛, ինքդ ասա, արջի ին-

չի՞ն է պէտքը քո այդ անպէտք, քոնձոտ—  
մազթափ մորթիդ:

—Ի՞նչ ես դու էլ այդպէս տնազ անում  
ինձ:

—Վայ, դու քեզ-ու-քեզ չես մտածում  
որ իմանաս, թէ որն է լաւ և որը վատ,  
ուրիշի ասածն էլ դիտմամբ չհասկանալու  
ես գնում, հասլա որ քեզ տնազ չանեմ, ո՞ւմը  
տնազ անեմ: Հէնց ո՞վ էլ որ տեսնի քեզ՝  
այդպէս դոյնդ-մոյնդ թռած, այդպէս դողա-  
լիս, ոչ-միայն կը-ծիծաղի վրադ ու տնազ  
կ'անի քեզ, այլ շատ կարելի է, թէ վիրա-  
ւորի էլ՝ երեսիդ ասելով որ վախկոտ ես:

—Հա՛... վախկոտ ես, վախկոտ ես, ա-  
ռել-անցել ես. բայց-և-այնպէս դու առանց  
ինձ ոչինչ չէիր կարող անել...: Սակայն խընդ-  
րեմ ասես, թէ այդ ի՞նչ է գօտկիցդ կախ  
ընկածը, որ շարունակ լափին-լափին տալով—  
գնալ-գալով՝ դիպչում է փորիս ու կողքիս  
և ցաւացնում:

—Թիթեղեայ անօթ է:

—Միջինը թարմ սիսեռ է՞:

—Ը՛հր՛... սրան մտիկ տուէք: Տօ, խելքի  
տոպրակ, այս ձիւն-ձմռանը թարմ սիսեռ  
կը-լինի: Ինչպէս երևում է՝ անից դու ունե-

ցածդ խելքն էլ կորցրել ես: Ո՛չ սիսեռ է  
և ոչ էլ գաղար, դուր ախորժակ կը-պահես,  
այլ մեղր է: Չէ՞-որ փնթփնթան-ապօր մօտ  
ենք գնում. ընծայ եմ տանում նրա համար:  
Հասկացար:

«Քեզ ո՞վ կարող է հասկանալ, որ ես  
հասկանամ»,—մտքի մէջ ասում է Խլըչիկն  
ու դիմում Յուլիին.

—Երբ տեղ հասնենք-պրծնենք, ինձ կը-  
թողնեն որ գնամ:

—Ինչո՞ւ:

—Ի՞նչպէս թէ ինչո՞ւ. մարդ պէտք է  
միքիչ էլ խիղճ ունենայ, է՛: Ախր, այսքան  
ժամանակ շալակած տանել կը-լինի՞ որ  
քեզ տանում եմ: Կոկորդս բոլորովին չորա-  
ցել է:

—Երևի ծարաւել ես. բան չկայ, միքիչ  
համբերիր:

—Դու հէնց շարունակ կրկնում ես երե-  
սիս, թէ վախկոտ ես: Բայց ես ոչ-թէ վախ-  
կոտ եմ, այլ զգոյշ և համբերող:

—Վատ բան չէ, ընդհակառակը շատ  
լաւ բան է զգոյշ և թէ մանաւանդ համ-  
բերող լինելը. բայց շափից դուրս համբե-  
րելը իշի նահատակութիւն է: Աւելին կ'ա-

սեմ՝ հարկ եղանից աւելի համբերելը ուղղա-  
կի յիմարութիւն է:

—Այդպէս է, հա՛մ. վայ իմ հախն է...  
Ի՛նչ ասեմ... լոկ հետաքրքրութիւնից միքիշ  
անզգոյշ եղայ ու էլ չկարողացայ քեզանից  
ազատուել. ճանկդ ես զցել ու...

—Բայց կարծեմ որ քեզ որևէ վնաս չեմ  
տուել: Եւ վերջապէս հապա ի՛նչպէս կը-կամե-  
նայիր. ողջ օրը ծլունգ-ծլունգ լինելով, շարու-  
նակ տոճիկներ ու խնդրուզիներ տալով դէս-  
ուզէն վազվզել, հա՛մ: Չէ, կը-ներես, այդ լաւ  
չէ: Նախ՝ պարապութիւնը շատ վնաս է ա-  
ռողջութեանը, երկրորդ՝ մենակ մնալով՝ դու  
կարող ես բոլորովին վայրենանալ: Ուստի հար-  
կաւոր է մեծամեծ մարդկանց մօտենալ, հետ-  
ները ծանօթանալ, նրանց հետ նիստուկաց  
ունենալ. մէկից մարդավարութիւն—քաղա-  
քավարութիւն, միւսից լեզու, մի երրորդից  
ուրիշ-ուրիշ օգտակար բաներ սովորել: Թէ-  
պէտ այս էլ կայ, որ մեծամեծները որքան  
լաւ են, տանն այնքան էլ վատ են ու ան-  
պիտան: Բայց հէնց դրա համար էլ մարդ  
որքան մօտիկից ճանաչի նրանց՝ տեղեակ  
լինի նրանց բնաւորութեան, նրանց սովորու-  
թիւններին ու մտադրութիւններին, այնքան

էլ օգուտ կը-լինի. որովհետև այդպիսով միշտ  
կարող է իր ժամանակին սպառնացող վտան-  
գի առաջն առնել և աւելի ապահովացնել  
իր գոյութիւնը:

—Չատ ուղիղ է, համաձայն եմ. սակայն  
ո՞վքեր են այդ քո ասած մեծամեծները:

—Ովքե՛ր. շները, աղուէսները, գայլերը,  
իսկ դրանցից էլ բարձրը, այս անտառում  
եղած բոլոր գազաններից մեծը՝ փնթփրն-  
թան-ապէրը—այս անտառի իշխանը: Ահա  
մենք այդպիսի նշանաւոր մարդու մօտ ենք  
գնում, բայց դու զեռ նազ էլ ես անում:

—Իսկ փնթփրնթան-ապօրից մեծն ո՞վ է:

—Ե՛ս:

—Օ՛հօ...

—Այո՛, ես, ես... որովհետև ես մարդ եմ,  
իմ խելքով դրանց ամենքից բարձր: Հաս-  
կացա՛ր:

—Այո՛, այո՛, հասկացայ:

—Եւ գարմանալի էլ կը-լինէր, եթէ  
չհասկանայիր, քանի-որ ինքդ քո սեպհական  
աչքով տեսար ամեն բան: Դէ՛, բաւական է,  
ինչքան զրոյց արինք. պէտք է շտապել, ժա-  
մանակն անցնում է...: Չ՛ուտ, է՛:

Խլըշիկը մէջքը դէմ է անում: Յուսկը նրա-

տում է թէ-չէ, նապաստակը ջուխտլափակ—  
քառասմբակ վեր է կենում ու դիմում ուղիղ  
դէպի փնփնթան-ապէրը:

Իսկ փնթփնթան-ապէրը՝—որ բնի առաջ  
նստած, իր մտքերի հետ ընկած, արևակող էր  
արել,—երբ տեսնում է Յուլակին ու Խլլչիկին  
դէպի իրան գալիս, մութմութում—փնթփրն-  
թում է:

«Հըմ, հըմ-մըմ, հըմ»: Այսինքն-թէ՛

Ինչ լաւ որ այս քաղցած փորիս՝ որսերը  
իրանք-իրանց ոտով են ինձ մօտ գալիս:

Յուլակն իսկոյն մօտ է գնում, խորը զլուխ  
տալիս և ասում:

—Բարճով մեր մեծափառ իշխանին:

«Հըմ-մըմ-հըմ-մըմ, հըմ-հըմ»: Այսինքն-թէ՛  
Միքիչ էլ մօտ արի, միքիչ էլ:

—Իշխանն ապրած կենայ,—ասում է Յու-  
լակը և առաջ գնում.—քեզ համար մի փոքր  
ընծայ եմ բերել. խնդրում եմ շարհամարհես  
և քիչը շատ համարես:


Ասում է և անմիջապէս մեղրով ամանը  
վրայ բերում ու՝ տրամք... ծեփում—խփում  
ուղիղ փնթփնթան-ապօր քիթումնութին:

Արջն իսկոյն տեղից վեր է ցատկում  
և գայրացած փնթփնթում:

«Հըր-մըր, հըրըմ, հըմ-հըմ, մըր-ըմ...  
հըր...»: Այսինքն-թէ՛

Երբէք դեռ ոչ մի մարդ չէր համար-  
ձակուած այսպէս բան անել, և յանկարծ  
դն՝ նապաստակ հեծած մանչուկ, գաս և՛  
ոչ դէս, ոչ դէն, առանց այլևայլութեան այս-  
պէս յանդուզն, այսպէս կոպտակահար վար-  
ուես ինձ հետ:

Եւ բարկութիւնից կրակ կտրած՝ արջը



Փնթփնթան-ապէրը:

ականջները ծալում-կայցնում է քներակնե-  
րին, գունչը ցցում վեր ու մի այնպիսի գո-  
ռոց բարձրացնում, որ մեր խեղճ Խլլչիկի  
թուրը ցամաքում, լեզուն փորն է ընկնում,

ահից լեղին պատառվում: Նա մոռանում է  
ամեն բան՝ և՛ աղուէօի կոնձկոնձալը, և՛  
գայլի սոսկալի ոռնալը:

«Առաջ ո՞րի քիւլը քամուն տամ—մեծ  
պատառն ականջը թողնեմ,—մտածում է  
ինքնիրան արջը.—հը՞, առաջ ո՞րին բրդը-  
զգի տամ—պատառ-պատառ անեմ: Նապաս-  
տակը լաւն է, մանչուկը աւելի ևս, բայց  
դրանց երկուսից էլ լաւը և պատուականը  
այս մեղրն է»:

Այդպէս ինքնիրան մտմտալով, մօտե-  
նում է մեղրին, հոտոտում և ապա մըռթ-  
մըռթում.

«Հը՛մ, հը՛մ-ը՛մ»: Այսինքն-թէ՛

Անհալ մեղրն է, շատ լաւն է:

Յետոյ սկսում է լիզել, և լիզելով-լիզելով՝  
դունչն այնքան է առաջ տանում, որ գլուխն  
ամբողջովին մտնում է ամանի մէջ:

—Հրէտ, է՛,—ուրախացած բացական-  
չում է Յուլակը.—իմ ուզածն էլ հէնց այդ  
է. հիմա դու այլևս չես կարող ազատուել  
մեր ձեռքից: Դէ՛, մէկ լաւ մտիկ տուր, խը-  
լը՛շիկ:

Ստում է Յուլակն ու հոնի դազանակը  
ձեռքն առնում, շոքում արջի-ջանին ու

մին-երկու, տասներկու՝ տուր թէ կրտաս,  
վեր հատում՝ էէ... թիկունքին, էէ... կար-  
կաժին, էէ... քներակին, դնչին, կոկոզին,  
հաստ վզին, փորի տակին և էլի նորից  
կարկաժին ու կարկաժին:

Պահյ, ձեզ մատաղ. փնթփնթան-ապէրը  
մի այնպիսի գոռոց է բարձրացնում որ ան-  
տառ, ձոր ու սար գըյմբ-գըյմբում ու դըրմբ-  
դըրմբում են: Նա գլուխը մին բարձրացնում,  
դէսուղէն էր ընկնում, մին ցածացնում, ուժ-  
գին թափահարում, ապա նորից բարձրացնում,  
կրկին ցած բերում, էլի թափահարում, որ  
ամանը վայր ընկնի, գլուխն ազատուի: Բայց  
ոչ, ամանը վայր ընկնելու միտք էլ չունէր:  
Անհալ մեղր, բրդոտ գլուխ, դէ՛, ասէք,  
ինչ կը-լինէր, ի-հարկէ կը-կաշէր, էլ կը-  
պոկուէ՞ր:

«Ըռնահըրը՛»,—գոռում էր արջը և  
ինքն-իրան մռթմռթում.

«Հը՛ ընքը՛-հը՛մքը՛, հը՛մը՛-մը՛, մը՛, հը՛մ-  
հը՛մը՛-հը՛մ...»: Այսինքն-թէ՛

Ինչ վատ բան է բկլիկ—շատակեր լի-  
նելը, մի բան ուտելու համար հոգի տալը...  
Հարամ լինէր այսպէս մեղրը, որ ինձ այս  
կրակի մէջը չզցէր... Այս անիծած ամանը աշ-



քերս փակել է, իսկ ես ոչինչ չեմ տեսնում.  
հապա եթէ դրանք դանակ են սրում որ փորո  
կոխեն, կամ հրացան լցնում՝ որ ինձ գնդա-  
կահար անեն—սպանեն, յետոյ... Ո՛չ, այսպէս  
մնալ ու դատարկ գոռգոռալով բան չի դառ-  
նալ. էլի լաւն այն է, քանի դեռ ողջ եմ,  
քանի ոտերումս ոյժ ունեմ, պուկ անեմ—  
փախչեմ, գլուխս ազատեմ:

Եւ փնթփնթան-ապէրը՝ կոյր ձիու նման  
գլուխը բարձր բռնած ու գունչը մեկնած  
սկսում է մի կերպ վազել հարթ տեղերից,  
իսկ դարիվայրերից՝ ինչպէս արջերի սովո-  
րութիւնն է, թու լինել—գլորուել:

Յուակն էլ հեծնելով իր բարեկամ Խլը-  
շիկին՝ կրնկակոխ արջին է հետևում ու շա-  
րունակ վրայ բերում հոնի գազանակը՝ արջի  
հէնց սրտեղին ասես:

—Հը՛, ծնութաթ, ի՛նչ ես սինգ-սինգ  
անում—սխտոր թակում,—ասում է Յուակը.  
—վազիր կարգին:

Հոնի գազանակի սարսափելի հարուած-  
ներից ազատուելու նպատակով արջն սկսում  
է վազել՝ ինչքան ոտերում ոյժ է ունենում:  
Բայց որովհետեւ նա չէր տեսնում թէ ոտքն  
սր է դնում, մէկ-էլ յանկարծ թլրփանթրի

է տալիս—գլղիզլոր լինում ու թլամփ՝ ընկ-  
նում մի խոր ու մեծ փոս:

—Փնթփնթան-ապէր, հիմա որ քո թուղ-  
թը ջուրն ընկաւ—դրութիւնդ իսպառ վա-  
տացաւ, որովհետեւ քանի գլուխդ ամանի մէջն  
է, յաւիտեանս յաւիտենից դու էլ չես կարո-  
ղանալու դուրս գալ այդտեղից,—ասում է  
Յուակը և յետոյ դիմում Խլըշիկին.

—Այս ամենը շատ լաւ, սիրելիս. սա-  
կայն ի՛նչպէս անենք, որ նրա փառաւոր  
մորթին ձեռքներիցս չհանենք, անշափ լաւն  
է: Խլըշիկ, սրի կը-լինի դու...

Յուակը դեռ խօսքը չէր վերջացրել, որ  
մէկ էլ յանկարծ դաշտ, սար, ձոր ու ան-  
տառ կարծես իրար դիպան: Այնպիսի սար-  
սափելի գոռում-գոչին բարձրացաւ, որ լսո-  
ղի վրայ զարգանդ էր գալիս:

Յուակն իսկոյն գլխի է ընկնում—հաս-  
կանում, որ գազաններին վախացնելու հա-  
մար որսորդների հանած զշղրին է այդ  
աղաղակները, այլև լաւ իմանալով թէ Խլը-  
շիկի դրութիւնն ի՛նչ կը-լինի, իսկոյն սկսում  
է սիրտ տալ նրան.

—Հանգիստ եղիր, սիրելիս. մի՛ վախե-  
նար, ես քեզ մենակ չեմ թողնիլ:

«Ահա՛յ... հահահահահ... անլրաճ... անհահահահահ... հաճ... նորից լսելի է լինում զշղրի ձայները և հետն էլ սուլոց, շրուց, որոնք միացած շների հաջոցին ու որսորդական փողերի ձայնին՝ անյալիսի ժխոր—չփոթ, խառնակ ու սարսափ ազդող աղաղակներ էին վեր կացրել, որ թվում էր թէ ողջ անտառի ծառերը զօրեղ փոթորկից բռնուած՝ խլացուցիչ ճարճատումներով ճղակոտոր են լինում:

Այդպիսի ժխորից ոչ թէ աղուէսը, ոչ թէ գայլը, այլ նոյնիսկ անտառի իշխան փնթփնթան-ապէրն էլ կարող էր սոսկալ ու սարսափել. դէ, դո՛ւք ասացէք, թէ ինչ կը լինէր մեր բարեկամ Խլըշիկի դրութիւնը:

«Ախ, —ասում էր խեղճը ինքնիրան—չինքն թէ աշխարհիս վերջն է արդէն», —ապա մօտենում է Յոլակին և աղաչական ձայնով խնդրում.

—Հէնց քո արևն ապրի, հէնց քո մայրը կանանչ-կարմիրդ կապի, հէնց մուրազիդ հասնես, ինձ թո՛ղ որ զնամ: Որովհետև այդ զշղրի ձայները նշան է թէ որս են խռիկ տալիս, ուրեմն մահն ինձ է մօտենում և ո՛ւր որ է, շուտով կը-հասնի...: Թո՛ղ զնամ, աղաչում եմ:

—Ի՛նչ յիմարն ես. հօ շնօ գժուել: Ի՞նչ պէս կարող եմ քեզ թողնել. շէ՛-որ դու ուղղակի շների ուխը կ'ընկնես կամ որսորդները գնդակահար կ'անեն քեզ:

—Ախ, Աստուած, այս ի՛նչ կրակ ու պատուհաս էր որ վրայ հասաւ... Վըյի՛յ, նանի-ջան, ինչ պէտք է անեմ, —ասում է խեղճ Խլըշիկն ու զնգըրզնգըր դողացնում:

—Ասում եմ որ քեզ մենակ չեմ թողնիլ, մի՛ վախենար: Բայց որպէսզի բոլորովին ազատ լինես վտանգից, անի հետս գընանք նրանց մօտ:

—Նրանց մօտ, —սոսկումով բացականչեց Խլըշիկը:

—Այո, ուղիղ նրանց մօտ, — շներով շըրջապատուած որսորդների մօտ: Ա՛րի գնանք:

—Ո՛չ, ոչ, աղաչում եմ. շէ՛-որ նրանք ինձ բզիկ-բզիկ կ'անեն—մեծ պատառս ա-կանջս կը-թողնեն: Հօ տեսնում ես...

—Էէ՛հ, երկար խօսել հարկաւոր չէ, — նրա խօսքը կտրում է Յոլակը և վրայ ընկնում-բռնում լօշտակ-լօշտակ ականջներիցը և հետը քաշ տալիս-տանում դէպի որսորդները:

—Տղերք-ջան, մէկ այն կողմը մտիկ

տուէք, տեսէք՝ այն ի՞նչ է,—զարմացած ձայն է տալիս որսորդներից մինը, երբ տեսնում է մեր բարեկամներին:

—Ազն, մի պատիկ տղայ է, որ նապաստակ է բերում քաշ տալով:

Յուլակը երբ մօտենում է որսորդներին, քաղաքավարութեամբ բարևում է.

—Բնրի աջողում ձեզ:

—Այ, բարին սիրուն արևիդ, մատաղ քեզ,—Յուլակի բարևն առնում են որսորդները:

—Ի՞նքզ ես բռնել այդ նապաստակը,—հարցնում է մի ծերունի որսորդ:

—Ո՛չ, պնայի, ես չեմ բռնել, այլ ինքն իր ազատ կամքովն է ինձ մօտ եկել. սա իմ լաւ բարեկամն է, խնդրում եմ չթողնէք, որ շները վնաս տան:

Խլըշիկը շատ գոհ է մնում իր բարեկամից, որ այդպէս պաշտպան դուրս եկաւ իրան. և նա մի-երկու անգամ աչքերը ճպճրպացնելով կնոյով է անում, որպէս նշան իր անչափ գոհունակութեան:

—Ուսինդ ի՞նչ է, մէկ տեսնեմ...: Վան, վան, ի՞նչ հիանալի մորթի է: Այս սրտեղից ես գտել:

—Չեմ գտել, այլ ես ու իմ բարեկամ Խլըշիկը բռնեցինք, սպանեցինք ու մաշկեցինք:

Խլըշիկի ուրախութեանը չափ չկար. նա մտքումն օրհնեց Յուլակին և շատ գոհ եղաւ որ իր բարեկամը անպիտան մեծամիտներից չէ, որոնք ամեն բան իրանց են վերագրում և զգուելի կերպով պարծենում թէ՛ իրանց կիսատ-պուատ արածով և թէ՛ որ աւելի վատն է, ուրիշների սեպհական աշխատանքով:

—Մի՞թէ ուղիղ ես ասում: Գուք ի՞նչպէս կարող էիք աղուէսին սպանել. շատ զարմանալի է,—կասկած է յայտնում ծերունի որսորդը:

—Չարմանալու ի՞նչ կայ, պնայի. բացի աղուէսից մի գայլ էլ ենք սպանել:

—Չէ, չէ. մի... պոզեր էք արել: Ինչե՛ր ես ասում, սիրելիս:

—Հաւատացնում եմ ձեզ, որ ուղիղն եմ ասում: Եթէ կամենաք, գնանք ցոյց տամ:

—Չնոք բարի, գնանք,—ասում է որսորդների գլխաւորը:

Յուլակն ու Խլըշիկը առաջ են ընկնում, իսկ որսորդները հետևում են նրանց: Երբ տեղ են հասնում և սատկած գայլի մօտ

կանգ առնում, որսորդները զարմացած՝ մին  
ահագին գայլին են մտիկ տալիս, մին Յո-  
լակին ու նապաստակին: Նրանք չէին հա-  
ւատում իրանց տեսածին:

Գլխաւորի հրամանով գայլին մաշկում  
են և կոկորդից կեռը հանում-տալիս ցո-  
լակին:

—Սակայն մենակ խօս այս չէ,—ասում  
է Յոլակը.—մենք երկսով մի փնթփնթան-  
ապէր էլ ենք բանտարկել փոսի մէջ:

—Ի՞նչ:

—Ասում եմ մի արջ էլ փոսի մէջ ենք  
զգել:

—Ի՞նչպէս թէ արջ:

—Ա՛րջ, էլի՛, արջն ի՞նչպէս կը-լինի:

—Ինչե՛ր ես դուրս տալիս: Չլինի՞ թէ  
սուտ ես ասում. ուզում ես մեզ խաբել,—  
նկատում է որսորդներից մէկը:

—Պարոն, խնդրեմ ինձ չվիրաւորէք:

—Ես քեզ չվիրաւորեցի, սիրելիս:

—էլ վիրաւորելն ի՞նչպէս կը-լինի, քա-  
նի-որ ինձ անպատիւ խօսքեր էք ասում.  
դուք ինձ ստախօս ու խաբեբայ էք համա-  
րում, մինչդեռ ես իմ օրումը ո՛չ սուտ եմ  
խօսել և ո՛չ էլ խաբել. որովհետև գիտեմ

որ անաղնիւ ու անպիտան մարդիկն են  
սուտ խօսում և միշտ խաբում: Դուք գայլի  
համար էլ ինձ չհաւատացիք, կասկածեցիք  
ասածիս վրայ. բայց որովհետև այն-ժամա-  
նակ դուք ինձ ամենևին չէիք ճանաչում, այդ  
պատճառով չվիրաւորուեցի ձեր կասկածից,  
այլ ստիպուած երգումն կերայ: Իսկ հիմա  
որ քիչ թէ շատ ինձ ճանաչելով հանդերձ՝  
էլի կասկածում էք և դեռ անպատիւ խօս-  
քերով էլ վիրաւորում, հիմա այլևս չեմ  
երգուիլ: Իմ ողորմածիկ պապս ինձ խոր-  
հուրդ է տուել, որ ամեն մի շնչին ու ան-  
նշան բանի համար երգումն չուտեմ, որով-  
հետև այդ շատ վատ սովորութիւն է: Ազնիւ  
մարդու այն-ն՝ այն պէտք է լինի, ո՛չ-ը՝ ո՛չ:  
Հիմա էլի եմ ասում. մենք, այսինքն ես ու  
Խլըշիկ բարեկամս մի արջ ենք բանտարկել  
մի մեծ փոսի մէջ, եթէ կամենաք, զնանք,  
ցոյց տամ:

—Մեր միտքը քեզ վիրաւորելը չէր,  
մատաղղ եմ,—ասում է որսորդների գլխա-  
ւորը, հիացած Յոլակի ասածներից.—բայց  
եթէ մեր ասածները ազնիւ սրտիդ դիպան,  
իմ և ընկերներիս կողմից յատուկ ներողու-  
թիւն եմ խնդրում: Դու մի արմանք-զար-

մանք տղայ ես, չնայելով որ այդպէս փոքր ես: Արածներդ քաջ տղամարդու գործեր են, իսկ ասածներդ ճշմարիտ իմաստունի խօսքեր և տպելու արժանի: Զօրանաս, մնտաղ. օրհնուի քո ծնունդը: Երանի՛ր-թէ մեր բոլոր մեծ ու փոքրը քեզ նման քաջ ու անվախ, քեզ նման ազնիւ ու ճշմարտախօս լինէին, այն-ժամանակ մեր սիրելի Հայ ազգը երջանիկ և երանի տալու կը-լինէր: Դէ, առաջ անցիր բարեկամիդ հետ, իմ քաջ, իսկ մենք ձեզ կը-հետևենք:

Ամենքը միասին շարժուցին ու գնացին: Բաւական գնալուց յետոյ հասան այն փոսին, որի մէջ էր ընկած արջը:

Որսորդները անշափ զարմանքից մնացին բերանաբաց, միքանի ըռպէ անշարժ կանգնած:

Փնթփնթան-ապէրը ձայն-ձիւն առած լինելով, դադարում է շարշարուելուց և կցում իր սարսափելի, Խլրչիկի ջանը դող զցող գուռցը.

«Ըուտահրըը օւու»:

Որից դաշա, սար, ձոր ու անտառ գրչմբ-գրչմբում էր ու զրըմբգրըմբում:

—Տղերք-ջան,—գիմում է ծերունի որ-

սորդը աւելի երիտասարդներին.—արջն այդ դրութեան մէջ ոչ-որի այլևս չի կարող վնասել. գնդակահար անելով՝ մորթին կը-փչացնենք, ափսոս է: Ուրեմն թող ձեզանից մէկը ներքև իջնի և նիզակը խրի կռնատակը: Երիտասարդներից մինը, Օհան անունով, իսկոյն չուխի փէշերը քլաւանդ է անում—հաւաքում-խորում գօտիկը, որ իջնելիս շխանգարեն, և նիզակը ձեռքն առնելով իջնում է փոսը:

Մեր Խլրչիկը զարմանքից ու սարսափից տեսածին չէր հաւատում և մտքումն ասում էր.

«Խեղճ մարդ, երևի խելագար է որ արածը չի հասկանում. ինքն իր ոտով է գնում որ մահի բերանն ընկնի»:

Օհանը հէնց-որ վայր է թռչում փոսի մէջ, արջը՝ թէ այդ թրըմփոցի ձայնից և թէ մարդահոտ առնելով իսկոյն ծառս է լինում—ետի ոտերի վրայ կանգնում ու այդպէս սկսում գնալ դէպի այն կողմը, որտեղից ձայն էր առել: Օհանի ուզածն էլ հէնց այդ էր. նա ձեռքի նիզակը բարձրացնում է և այնպէս թափով—ուժգնութեամբ շամփրում—խրում արջի կռնատակը, որ այդ մի

հարուածը բաւական է լինում ահագին գա-  
զանին գլորելու:

— Մարես, կեցցես, կունդ դալար, Օհան,  
— ձայն են տալիս ընկերները վերևից:

Ապա թոկ կապելով՝ արջին փոսից դուրս  
են քաշում: Երբ մաշկում-պրծնում են,  
զլխաւորը դիմում է Յուլակին.

— Ճիշտն ասած՝ այս ահագին արջը իս-  
կապէս քո սպանածն է և հէնց քեզպէսի  
համար են ասել՝ «թէն ինքը չկար թիզուկէս,  
արարմունքն էր գազուկէս»: Այո, պստիկ ես,  
մատաղ, բայց ճշտիկ ես: Դէ, հիմա ասա՛,  
տեսներ, իմ քաջ. արջի մորթու համար ո՞ր-  
քան պէտք է վճարենք քեզ:

— Կը-ներէք, այլև աղուէսի ու գայլի  
մորթու համար:

— Չատ լաւ. սակայն ո՞ւմ պէտք է վճա-  
րենք. քեզ թէ քո բարեկամ Խլըչիկին: Չէ՞-  
որ նա է քեզ ման ածել:

— Նա է ինձ ման ածել թէ-ուչ, այդ իմ  
զիտենալիքն է. դուք վճարեցէք ինձ, իսկ  
յետոյ ես զիտեմ իմ բարեկամը:

— Ո՞րքան տանք. յիսուն կոպէկ բաւա-  
կան է:

— Ի՛նչ... Ե՛րեխայ էք խարճում: Յիսուն

կոպէկ հէնց մենակ աղուէսի պոչն արժի,  
հապա երեք մորթին. զրանք բան չածեն:  
Ո՞վ գիտէ թէ դուք այսպէս մորթիք իսկի  
չէք էլ տեսել ձեր օրումը:

— Ո՞վ չի տեսել, ա՛ղա, — նկատում է  
նրանցից մէկը. — բա էլ ինչի՞ որսորդներ ենք:

— Դէ, եթէ տեսել էք, ուրեմն պէտք է  
որ գներն էլ իմանաք. էլ ի՛նչ էք անպիտան  
վաճառականների նման սակարկութիւն ա-  
նում, իդուր տեղը ժամանակ կորցնում: Չէ՞-որ  
ժամանակը ոսկի է, որ չի կարելի անխնայ  
բանացներ:

Որսորդները թէ՛ ամաչեցին Յուլակի ար-  
դարացի յանդիմանութիւնից, թէ՛ մնացին  
հիացած ու գարմացած նրա խելօք-խելօք  
խօսքերի վրայ. ուստի այլևս առանց խօ-  
սելու՝ երկու ոււրլի եօթանասունհինգ  
կոպէկ տուին:

Յուլակը ուշադրութեամբ համրելուց յե-  
տոյ, ասում է.

— Թէն շատ աւելի արժեն, բայց որովհե-  
տև ձեզ ամեն մէկիդ ևս մի-մի բան պէտք է  
հասնի, ուստի բաւականանում եմ այսքանով:

Իսկ այդ միջոցին միւսներն սկսել էին  
նապաստակի հետ խաղալ. որը նրա կուտ-

ուղ պոչիցն էր բռնում-ձգում, որը ական-  
ջիցը քաշում, որը բեղիցը ձիգ տալիս, որը  
դրդում, որը կմշտում, որն էլ հրում ու հըր-  
մշտում... էլ շմտածելով որ կատուի խաղը  
մկանը մահ է:

«Ենթադրեալ այս թռչից փախածները, այս  
անգութ մարդիկ ի՞նչ են ուզում ինձանից:  
Ես խօսի սրանց վնաս չեմ տուել, էլ ինչո՞ւ են  
ինձ այսպէս շարշարում, անդանակ մորթում»,  
ասում է ինքնիրան Խլրչիկը և անհագստու-  
թեամբ մէկ խլրչկոտում, մէկ անթարթ աչ-  
քերով Յուլակին նայում: Նա կարծես ասելիս  
լինէր.

«Սիրելի բարեկամ, արդեօք ես ողջ-ողջ  
պէտք է ազատունեմ սրանց ձեռքից»:

Յուլակը հասկանալով իր խեղճ բարեկամի  
միտքը, իսկոյն ասում է.

— Փամանակ է, սիրելի Խլրչիկ, գնանք:  
Մնանք բարով, պարոններ:

— Գնա՛ք բարով, քնքեր, — պատասխա-  
նում են որսորդները միարեբան:

Յուլակը հեծնում է նասրաստակին ու  
հանդէ՛ք քշում ուղիղ դէպի գիւղ:

Երբ հասնում են գիւղի մօտ, Յուլակն  
իջնում է և ասում.

— Հիմա մեր էլ բաժանուելու ժամանակն  
է, սիրելիս. մենք էլ մնաս-բարով ասենք  
իրար:

— Զնամարիտ-որ շատ լաւ կը-լինի, — իս-  
կոյն համաձայնում է Խլրչիկը:

— Բայց հօ սովորե՞ցիր քաջ լինել:

— Էլ ի՞նչ հարկ կայ հարցնելու, քանի-  
որ ինքզ ինձանից աւելի լաւ գիտես: 25-որ  
ես անցկացրի քեզ գիւղամիջով շների առա-  
ջից, ես տարայ քեզ խնամի աղուէսի, վայրի-  
ծաղկակոխու և փնթփնթան-ապօր մօտ:  
Դէ, ինքզ ասա՛ եթէ քաջ չլինէի, կարո՞ղ  
էի այդ բաներն անել:

— Ի-հարկէ, ի-հարկէ: Ուրեմն այժմ դու  
ոչնչից — ոչ-ոքից և ոչ մի բանից չես վա-  
խենում, այնպէս չէ՞:

— Հարկաւ որ այդպէս է, — պատասխա-  
նում է Խլրչիկն ինքնաբաւական կերպով. —  
կ'ուզե՞ս փորձիր. առաջուայ նման ծափ տուր:

— Զատ լաւ, — ասում է Յուլակը, բայց  
դիտմամբ մի րոպէ մնում լուռ և անշարժ  
կանգնում: Յետոյ յանկարծ որ ծափ չի տա-  
լիս... պայ, պայ, պայ պայ, պայ... Խլրչիկը  
կանգնած տեղից այնպէս է վեր թռչում, որ  
տասը սածէն հեռու է ընկնում. բայց յետոյ

հասկանալով իր սխալը, յետ է գալիս Յոլակի մօտ, որ նա փորձը նորից կրկնի:

Սակայն Խլրչիկը դեռ չէր պատրաստուել այդ բանին, երբ Յոլակը անսպասելի կերպով երկու անգամ վրայ ու վրայ նորից է ծափ տալիս...: Վլյլիյ, նանի-ջան... վլյլիյ ձեզ մատանդ... մեր խեղճ Խլրչիկը զըրկի-փրկի եկածի նման այնպէս է սասանվում ծափի կրկնակի ձայներից ու յանկարծ ծլունգ լինում, որ մի օրավար հեռու է ընկնում: Բայց այս անգամ այլևս յետ չի գալիս Յոլակի մօտ, այլ բացի իր շորս օտից, շորսն էլ ուրիշ է փոխ առնում և առանց ետ նայելու հանդէ՛ պո՛ւկ անում—փախչում-գնում: Գնում է և ինքնիրան հետ այսպէս խօսում.

«Ո՛չ, յանկարծ ու մէկ անգամից ո՛չ շատ բան կարելի է շինել և ոչ շատ բան սովորել. այլ պէտք է սովորել քիչ-քիչ և համբերութեամբ...: Այո՛ քաջութիւնն էլ մարդ պէտք է հէնց փոքրութիւնից սովորի ուրիշ լաւ-լաւ բաների հետ, որ երբ մեծանայ, իրան պէտքը գայ, իր գլուխը պահել կարողանայ...: Է՛հ, զրանց քաջութիւնը իրանց գլխովը տուած. քիչ մնաց լեղիս պատուէր...: Այդ ինչ սարսափելի ձայներ էին...: Բայց չկարծեմ թէ

զրանք ծափի ձայներ լինէին, այլ անպատճառ ուրիշ բաներ էին...: Վլյլիյ... սիրտս ճնց է գնում ու գալիս. կարծես ուզում է տեղից դուրս թռչի...:

Յոլակը՝ որ կողքը բռնած ծիծաղում էր, երբ տեսնում է Խլրչիկի բոլորովին գնալ-հեռանալը, ինքն էլ վերադառնում է իրանց



Տասն աղօթք է մրմնջում Յոլակի համար:

տուն ու մորթիւների համար ստացած փողը թափում տատի գոգը:

Խեղճ պառաւը համ զարմանում է, համ






«Ազգային գրադարան»



NL0390644



891.715